



文苑英華卷第二百八

詩五十八

樂府十七

陌上桑三首

採桑八首

折楊柳十六首

梅花落十首

殿前生桂樹一首

芳樹十一首

採蓮十六首

採菊一首

採菱三首

青青河畔草二首

陌上桑

吳筠

嫋嫋陌上桑蔭陌復垂塘長條映白日細葉影一作鸚黃

蠶饑妾復思拭淚且提筐一作寧知此離恨煎人腸

同前

王均

人傳陌上桑未曉已含光重重相蔭映軟弱一作自芬芳
秋胡始倚一作馬羅敷未滿筐春蠶朝已老一作安得久
彷徨

同前

李白

遊女綉綺衣春還事蠶作五馬如花飛青絲結金絡不知
誰家子調笑來相譖妾本秦羅敷玉顏艷名都綠條映素
手採桑向城隅使君且不顧况復論秋胡寒蠶愛碧草鳴
鳳棲青梧託心自有處但恠傍人愚徒勞一作白日暮高
駕空踟躕

採桑

梁簡文帝

春色映空來先發水一作邊梅細萍重疊長新花歷亂開

連理傍淇水一作連珂接懣至蕞臺蕞臺可憐妾當空

飛蝶忌跌行衫領熨斗成裙攝一作下牀著珠珮捉

鏡安花鑷薄晚畏蠶饑競採春桑葉寄語採桑伴訝今春

日短枝高手不及葉細籠難滿年年一作將使君歷亂遣

相聞欲知琴裏意還贈錦中文何當照梁日還作入山雲

重門皆已閉方知客留袂可憐黃金絡復似青絲繫必也

爲人持誰令畏夫婿

同前

傅緯

羅敷試採桑出入城南傍裙裾一作映珠珥絲籠一作提

玉筐度身攀葉聚踈腕及枝長空勞使君問自有侍中郎

同前

張正見

春樓曙鳥驚蠶妾候初晴迎風金珥落白日玉釵明徙顧
移籠影攀鈎動釧聲葉高知手弱枝軟覺身輕人多羞借
問年少却逢迎恐疑夫壻遠聊復答專城

同前

劉邈

倡妾一作女

不勝愁結束下青樓逐伴西城路相携南陌頭

葉盡時移樹枝高乍易鈎絲繩挂

一作提

且脫金籠寫仍

一作

復

收蠶饑日欲暮誰

一作詎

爲使君留

同前

沈君攸

南陌落光移蠶妾畏桑萎逐便牽低葉爭多避小枝摘駛
籠行蒲攀高腕欲疲看金怯舉意求心自可知

同前

劉希夷

楊柳送行人青青入西秦秦家採桑女樓上不勝春盈盈

灞池

一作水

曲步步春芳綠紅臉曜明珠絳唇含白玉迴首

渭橋東遙憐樹色同青絲映日落

一作落日

綺綺弄春風携

籠長歎息逶遲

一作迤

戀春色看花若有情倚樹疑無力薄

暮思悠悠使君南陌頭相逢不相識歸去夢青樓

同前

李彥遠

一作暉

採桑畏日高不待春眠足攀條有餘態那矜

一作隣

貌如玉

千金豈不贈五馬空躑躅何以變真性幽篁雪中綠

同前

江遵

爲報踟躕陌上郎蠶饑日晚妾心忙本來若愛黃金好不
肯携籠自採桑

折楊柳

梁簡文帝

楊柳亂如絲攀折上春時葉密鳥飛礙風輕花落蓮城高
短簫發林空畫角悲曲中別無一作無別意併為一作是一相思

同前

梁孝元帝

巫山一作山高巫峽長垂柳復垂楊同心且一作宜同折故人懷
故鄉山似蓮花艷流如明月光寒夜猿聲徹遊子淚沾裳

同前

徐陵

嫋嫋河堤樹依依魏主營江陵有舊曲洛下作新聲妾對
長楊苑君登高柳城春還應共見蕩子太無情

同前

岑敬之

將軍始見知細柳繞營垂懸絲拂城轉飛絮上宮吹塞門

交度葉谷口暗橫枝曲城攀折處唯言怨別離

同前

王瑳

塞外無春色上林柳已黃枝影侵宮暗葉彩亂星光陌頭
藏戲鳥樓上掩新粧攀折思為贈心期別路長

同前

江總

萬里音書絕千條楊柳結不誤一作悟倡園花遙同故里一作
嶺天雪春心自浩蕩春樹聊攀折共此依依情無柰年年別

同前

楊炯

邊地迷一作遙無極征夫去不還秋容彫翠羽別淚損紅顏
望斷流星驛心馳明月關藁砧何處在楊柳自堪攀

同前

盧照隣

倡樓啓曙扉園柳正依依鳥一作鳴知歲隔條變識春歸

露葉凝愁黛一作啼臉風花落一作亂舞衣攀折將安一作聊將寄軍

中音一作書信稀

同前

沈佺期

玉窓朝日映羅帳春風吹拭淚攀楊柳長條匝地垂白花

飛歷亂黃鳥度參差妾自肝腸斷傍人那得知

同前

鄭惜

青柳映紅顏黃雲蔽紫關傳聞邊信出枝葉為君攀舞腰

愁欲斷春心望不還風花亂成雪羅綺淚班班

同前

喬知之

可憐濯濯春楊柳一作攀折將來就纖手妾容與此同盛衰何

必君恩能獨久

同前

張九齡

纖纖折楊柳持取寄情人一枝何足貴憐是故園春遲景

那能久流芳不及新更愁征戍客容鬢老邊塵

同前

魚玄機

朝朝送別泣花鈿折盡春風楊柳煙願得西山無樹木免

教人作淚懸懸

同前三首

王貞白

枝枝交影鎖長門嫩色曾沾雨露恩鳳輦不來春筍盡空

留鴛語到黃昏

二

水殿年年占早芳柔條風裏御爐香如今萬乘多巡狩
路無陰綠草長

三

嫩葉初齊不耐寒和寒時拂玉欄干征人去日曾攀折泣
雨傷春翠黛殘

梅花落

吳均

終冬十二月寒風西北吹獨有梅花落飄蕩不依枝流連
逐霜彩散漫下冰澌何當與春日共映芙蓉池

同前二首

徐陵

臘月正月早驚春衆花未發梅花新可憐芬芳臨玉臺朝
攀晚折還復開長安年少一作多輕薄兩兩常唱梅花落

蒲酌金杯

一作

催玉柱落梅樹下宜歌舞金谷萬株連續綺

薨梅花密處藏嬌鶯桃李佳人欲相照摘葉牽花來並笑

楊柳條青樓上輕梅花色白雪中明橫笛短簫悽復切一作

噎誰知陌梁聲不絕

二

對戶一株梅新花屢發材一作落驚拾還蓮井風吹上鏡

臺倡家愁思妾樓上獨徘徊啼和竹葉錦笑一作罷未能

一作裁

同前

陳後主

春一作金砌落芳梅飄飄上鳳臺拂粧疑粉散逐溜似萍開

映日花光動迎風香氣來佳人早挿髻試立且徘徊

同前

張正見

芳梅映雲

一作紅

野發早覺寒侵落遠香風急飛多花徑深

周人歎初標魏帝指前林邊城少灌木折此自悲吟

同前二首

江總

標一作縹

色動風香羅生枝已長妖姬墮馬鬢未插江南璫

轉袖花紛落春衣共有芳

一作光

羞作秋胡婦獨採江城一作城

南桑

二

胡地少春來三年驚洛梅偏疑粉蝶散乍似雪花開可憐

香氣歇可惜風相摧空鏡且莫顧玉笛幸徘徊

同前

楊炯

外一株梅寒花五出開影隨朝日遠香逐便風來泣對

銅鈎幃愁看玉鏡臺行人斷消息春恨幾徘徊

同前

盧照隣

梅院一作嶺花初發天山雪未開處處疑花蒲花邊似雪迴

因風入舞袖雜粉向粧臺匈奴幾萬里春至不知來

同前

劉方平

新歲梅芳盡

一作梅樹

繁一作芭花

一作芭

四面同春風吹漸落一夜

幾枝空少婦今如此長城恨不窮莫將遼海雪來此後庭

中

殿前生桂樹

陳陶

僊娥玉宮秋夜明桂枝拂檻參差瓊香風下天漏丁丁牛

渚翠梁橫淺清羽帳不眠恨吹笙棲鳥暗驚僊子落步月
鬢雲墮金雀蕙樓涼簾翠波空銀縷香寒鳳凰薄東海即
為郎斟酌綺疎長懸七星杓

芳樹

梁元帝

芬芳君子樹交柯御宿園桂影含秋色一作隨桃花一作

染春源落英逐風聚輕香帶蘂翻藜枝臨北閣灌木隱南

軒交讓良宜重成蹊何用言

同前

沈約

發萼九華隈開跗塞路一作露塞側氛氲非一香參差多異色

宿昔寒飈舉摧殘不可識霜雪交橫至對之長歎息

同前

費昶

華被夕風吹屢得朝光照枝低一作儂疑欲舞花開似含笑

長夜路悠悠所思不可召行人早旋返賤妾猶年一作少

同前

顧野王

上林通建章雜樹遍林芳日影桃蹊色風吹梅逕香幽山

桂葉落馳道柳條長折縈疑路遠用表莫相忘

同前

張正見

奇樹舒春苑流芳入綺錢合歡分四照同心彰一作影萬年

香浮佳氣裏葉映彩雲前欲識揚雄賦金一作玉蒲甘泉

同前

丘遲

芳葉復莫莫一作嘉實復離離發景傍雲屋凝暉一作覆

華池輕蜂掇浮穎弱鳥隱深枝一朝容色茂千春長不移

同前

盧照隣

芳樹本多奇年華復在斯結翠成新幄開紅蒲故一作枝
風掃花歷亂日度影參差容色朝朝落思君君不知

同前

徐彥伯

玉花珍簾上金縷作畫屏開曉月憐箏柱春風憶鏡臺
箏柱春風吹曉月芳樹落花朝暝歇藁砧刀頭未有時攀
條拭淚坐相思

同前

符子珪

芳樹宜三月瞳瞳艷綺年香交珠箔氣陰占綠庭煙小葉
風吹長繁花露濯鮮遂令穠李兒折取簪花鈿

同前

李叔卿

春看玫瑰樹西鄰即宋家門深重暗葉墻近度飛花影拂
桃陰淺香傳李逕斜靚粧愁日暮流涕向窓紗

同前

羅隱

細萼一作藥慢逐風暖香閑破鼻青帝固有心時時漏天意
一作動去年高枝猶壓地今年低枝已顛顛吾所以見造
一作反復化之權變通之理春夏作頭秋冬為尾循環反覆無終已
無窮已人生長短同一軌若使威可以制力可以止則

秦皇不肯斂手下沙丘孟賁不合低頭入蒿里伊人強猛
猶如此顧我勞生何足恃但願我開素袍傾綠蟻陶陶兀
兀大醉於清宵一作青冥白晝間任他上是天下是地

採蓮

梁簡文帝郭茂倩樂府作梁元帝

採蓮歸綠水好沾衣桂舟蘭橈浮江花一作碧水江花玉面兩
相似蓮踈藕折香風起香風起白日低採蓮曲使君迷

同前二首

吳筠郭茂倩樂府作梁武帝

採蓮渚窈窕舞佳人遊戲五湖採蓮歸發花田葉芳襲衣
為君艷一作濃歇世所希世所希有如玉江南弄採蓮曲

二一作採菱作採菱曲

菱歌女解珮戲江陽江陽稚女珠腕繩金翠低肩一作搖首紅

顏興桂棹容與歌採菱歌採菱心未移一作怡翳羅袖望所

思

同前

李康成

採蓮去月沒春江曙翠釵一作細紅袖水中央青荷蓮子雜

木香雲起風生歸路長歸路長那得久各廻船兩搖手

同前

王勃

採蓮歸綠水芙蓉木秋風起浪鳧飛桂棹蘭橈下長浦

羅裙玉腕搖輕櫓葉嶼花潭極望平江謳越吹相思苦相

思苦佳期不可駐塞外征夫猶未還江南採蓮今已暮今

已暮摘蓮花渠今那必盡倡家官道城南把桑葉何如江

上採蓮花蓮花復蓮花花葉何重疊葉翠本羞眉花紅強

如頰佳人不在茲一作絃悵望別離時牽花憐共蒂折藕愛

連絲故情無一作何處所新物徒華滋不惜西津交解佩還

羞北海鴈書遲採蓮歌有節採蓮夜未歇正逢浩蕩江上

風徘徊一作又值併蓮河夜相逢吳姬越女何丰茸共問

寒光千里外征客關山路一作幾重

同前

閻朝隱

採蓮女採蓮舟春日春江碧水流蓮花一作承玉釧蓮刺

冒銀鈎薄暮歛容歌一曲氛氳香氣蒲汀洲

同前

鄭愔

綿紵沙棠艦羅帶石榴裙綠縹采荷芰清江日稍曛魚鳥爭唼喋花木相芬氛不覺芳洲暮棹歌處處聞

同前

徐玄之

越艷荆姝慣採蓮蘭橈畫楫蒲長川秋來江水澄如練映水紅粧如可見此時蓮浦珠翠光此日荷風羅綺香纖手周遊不暫息紅英爛熳殊未極夕鳥棲林人欲稀長歌哀

採蓮歸

同前

張敬微

遊女泛江晴蓮紅水復清競多愁日暮爭疾畏船傾波動疑釵落風生覺袖輕相看未盡意歸浦棹歌聲

同前

賀知章

稽山罷霧鬱嵒峩鏡水無風也自波莫言春度芳菲盡別有中流採芰荷

同前

李白

若邪溪邊一作傍採蓮女笑隔荷花共人語日照紅一作粧

水底明風飄羅一作香袖空中舉岸上誰家遊冶郎三三五

五映垂楊紫騮嘶入落花去對此踟躕空斷腸

同前

儲光羲

淺渚荷一作荇花繁深塘菱一作潭菱葉踈獨往方自獲一作得耻

邀淇上姝廣江無阡陌一作街陌大澤絕方隅浪中海童語流

下鮫人居春荻一作鴈時隱舟新荷一作洋復蒲湖采采乘日

暮不思賢與愚

同前

李頎

越溪女越溪蓮齊齒雙嬋娟嬉遊向何處採摘且同船

浩唱發容與清波生漪漣時逢島嶼泊幾伴鴛鴦眠襟袖

既盈溢馨香亦相傳薄暮歸去來苧羅生碧煙

同前

張朝

朝出沙頭日正紅晚來雲起半江中賴逢隣女曾相識並

兼蓮舟不畏風

同前

楊衡

凝鮮霧渚夕陽艷綠波風魚遊乍散藻露重稍歌紅楚客

傷暮節吳娃泣敗藜促令芳本固寧望雪霜中

同前

方干

採蓮女兒避殘熱隔夜相期侵早發搯剥春葱腕似雪畫

橈輕撥蒲根月蘭舟遲速有輸贏先到河灣賭何物纔到

河灣分首去散在花間不知處

採菊

梁簡文帝

日精麗草散秋株洛陽小婦絕妍姝相喚提筐採菊珠朝

起露濕沾羅襦東方千騎從驪駒更不下山逢故夫

採菱女

費昶

妾家五湖口采菱五湖側玉面不關粧一作雙眉本青色
日斜天欲暮風生浪未息宛在水中央空作兩相憶

同前

劉禹錫

白馬湖秋日紫光菱如錦絲鴛鴦翔

一作白馬湖平秋日
光紫菱如錦絲鴛鴦翔

盪舟遊女蒲中央採菱不顧馬上郎爭多逐勝紛相向時

轉蘭橈破輕浪長鬟弱袂動參差釵影釧紋一作浮蕩漾

笑語哇咬顧晚暉蓼花綠

一作岸扣船歸歸來共到

市橋步野蔓繫船萍惹一作衣家家竹樓臨廣陌下有連

墻多估客携觴薦菱夜經過醉蹋大堤相應歌屈平祠下

沅江水月照寒波白煙起一曲南音此地聞長安北望三

平望

同前

白日期何去青春只自矜艷歌呈幾曲江畔採新菱望浦

思同濟輕舟喜共乘翠一作葉將眉比色聲與調相應蕩漾

微波散清冷遠水澄更看池際影若對玉壺冰

青青河畔草

何遜

春蘭已應好折花望遠道秋夜苦復長抱枕向空牀吹臺

下促節不言於此別歌延掩團扇何時一相見絃絕猶依

軫葉落裁下枝即此雖云別方我未成離

同前

沈約

漠漠牀上塵心中憶故人故人不可憶中夜長歎息歎息

想容儀不言長別離別離稍已久空牀寄杯酒

同前

御製卷終不封明九變去陳衣亦不知

不野噴不音外此既如冥冥何何一

春蘭之飄世而林翠雲雲雲雲雲雲

青青四物

端如如如如如如如如如如如如如如

思同

文苑英華 卷第二百八

樂府十八

詩五十九

君馬黃三首

君馬黃三首

紫騮馬十三首

騮馬驅五首

騮馬八首

白馬十首 發白馬二首附

擬飲馬長城窟九首

走馬引二首

愛妾換馬一首

君馬黃三首

張正見

幽并重騎射征馬正 一作自

盤桓風去嘶聲 一作長嘶

遠水堅度

足寒出關聊 一作徒

變色上坂屢停鞍即今隨御史非復在

樓蘭

正色

五色乘馬黃追風時威沒血汗染龍花胡鞍抱秋月唯騰
渥洼水不飲長城窟詎待燕昭王千金市駿骨

同前

蔡君知

君馬經一作

西極臣馬出東方策舉

足策一作

浮雲影珂連明

月光水凍恒傷骨蹄寒為踐霜躊躇嗟伏櫪空想欲從良

紫驪馬

梁簡文帝

賤妾朝下機正遇良人歸青絲懸玉鏡朱汗染香衣

一作金衣

驟急珂彌響跡多塵亂飛彫蒸

一作萌

幸可薦故人心

一作心君

莫違

同前

梁元帝

長安美少年金絡鐵連錢

鐵一作鐵

宛轉青絲鞵照耀珊瑚鞭

行視復依柳躑躅後隨前方逐幽并去西北共連翩

同前

陳暄

天馬汗如紅鳴鞍度九峻飲傷城下凍嘶依北地風葭

一作

嘉

寒芳樹歇笛怨柳枝空橫行意未已羞住

一作

轂車中

同前

李燮

紫燕忽踟躕紅塵起路隅圍人移首宿騎士逐靡蕪三邊

追黠虜一鼓定強胡安用珂為玉自有汗成珠

同前

陳後主

嬋姚紫塞歸躑躅紅塵飛玉珂鳴廣路金絡耀晨暉蓋轉

時移影香動屢驚衣禁門猶未閉連騎莫

一作

相追

同前

徐陵

玉鐙繡纏鬃金鞍錦覆幪風驚塵未起草淺埒猶空角弓
連一作穿兩兔珠彈落雙鴻日斜馳逐罷連翩還上東

同前

張正見

將軍入大宛善馬出從戎影絕乾河上聲流水窟中似鹿
猶依草如龍欲向空須還千萬里試為一追風

同前

獨孤嗣宗

倡樓望早春寶馬度城闐照耀桃花逕躑躅採桑津金馬
麗初景玉勒染輕塵遠聽珂驚急知循一作是畫眉人

同前

蘇子卿類聚作祖孫益

候騎指樓蘭長城向一作迴路一作嘶從風處斷骨住水中寒

飛塵暗金勒落淚灑銀鞍抽上關路誰念客衣單

同前

江惣

春草正萋萋蕩婦出金閨識是東方騎猶帶北風嘶楊鞭
出柳市細蹠下金堤願君憐織綵殘粧尚有啼

同前

楊炯

俠客重周遊金鞭控紫駟蛇弓白羽箭鶴轡赤茸鞞發跡
來南海長鳴向北州匈奴今未滅畫地取封侯

同前

盧照隣

騮馬照金鞍轉戰入臯蘭塞門風稍急長城水正寒雪暗
鳴珂重山長噴玉難不辭橫絕漠流血幾時乾

同前

沈佺期

青玉紫駟鞍驕多影屢盤荷君能剪拂躑躅噴桑乾蹠足

追奔易長鳴遇賞難擬金一萬里霜露不辭寒

驄馬驅 梁元帝

朔方寒氣重胡關饒苦霧白雪晝崑山黃雲夙一作埋樹

連翻一作驄行役子終朝征馬驅試上金微山還看玉關路

同前二首 劉孝威

十五宦期門二十屯邊徼犀羈玉鏤鞍寶刀金錯鞘一隨

驄馬驅分受青繩吊且令都護知願被將軍照誓使氊衣

鄉掃地無遺噍

二

翩翩驄馬驅橫行復斜趨先救遼城危後拂燕山霧風傷

易水湄日入隴西樹未得報君恩聯翩終不住

同前 徐陵

白馬號一作龍駒彫鞍名鏤衢諸兒二千石小婦字羅敷

倚端輕掃史一作吏召募擊休屠塞外多風雪城中絕詔書

空憶長楸下連蹀復連跗

同前 江惣

長城兵氣寒飲馬詎為難蹀解青絲繫行歇鏤衢鞍白登

圍轉急黃河凍不乾萬里朝飛電論功易走丸

驄馬 車敷

驄馬鏤金鞍柘彈落金丸意欲驂驪走先作野遊盤平明

發下蔡日中過上蘭路遠行須疾非是畏人看

同前 庾抱

文苑英華 卷一百九
四
九
櫪上浮雲驄本出吳門中發跡來東道長鳴起北風迴鞍
拂桂白赭汗類塵紅滅沒徒留影無因圖漢宮

同前

楊炯

驄馬鐵連錢長安俠少年帝畿平似水宮路直如絃夜玉
裝車軸秋金一作風鑄馬鞭風霜但自保窮達任皇天

同前

沈佺期

西北五花驄來時道向東四蹄碧玉片雙眼黃金瞳鞍上
留明月嘶間動朔風借君馳沛艾一戰取雲中

同前二首

杜甫

鄧公馬癖人共知初得花驄大宛種夙昔傳聞思一見牽
來左右神皆竦雄姿逸態何嶄嶒顧影驕嘶自矜寵隅目

青熒夾鏡懸肉駿碾礪連錢動朝來久試華軒下未覺手
金滿高價赤汗微生白雪毛銀鞍却覆香羅怕卿家舊賜
公能取天廐真龍此其亞晝洗湏騰涇渭深朝一作晨趨可
刷幽并夜吾聞良驥老始成此馬數年人更驚豈有四蹄
疾於鳥不與八駿俱先鳴時俗造次那得致雲霧晦冥方
降精近聞下詔喧都邑肯使一作知有騏驎地上行

二

安西都護胡青驄聲價欻然來向東此馬臨陣久無敵與
人一心成大功功成惠養隨所致飄飄遠自流沙至雄姿
未受伏櫪恩猛氣猶思戰場利踈促蹄高如蹄鐵交河幾
蹴層冰裂五色散作雲滿身萬里方看汗流血長安壯兒

不敢騎走過掣電傾城知青絲絡頭爲君老何由却出橫
門道

右二詩三百四十四卷重出今已削去

同前

楚萬

金絡青驄白玉鞍長鞭紫陌野遊盤朝驅東道塵恒滅暮
到河源日未闌汗血每隨邊地苦蹄傷不憚隴陰寒君能
一飲長城窟爲盡天山行路難

同前

紀唐夫

連錢出塞蹋沙蓬豈比當時御史驄逐北自諳深磧路連
嘶誰念靜邊功登山每與青雲合弄影應一作知碧草同
今日虜平將換妾不如羅袖舞春風

白馬

沈約

白馬紫金鞍停鑣過上蘭寄言狹斜子詎知隴道難赤坂
途三折龍堆路九盤氷生肌裏冷風起骨中寒功名志所
急日暮不遑餐長馳一作入右地輕舉出樓蘭直去已垂
涕寧可望長安匪期定遠封無羨輕車官唯見恩義重豈
覺衣裳單本持軀命答幸遇身名完

同前

王僧孺

千里生冀北玉鞞黃金勒散蹄去無已搖頭意相得豪氣
發西山雄風擅東國飛鞚出秦隴長驅繞岷嶷承謨若有
神稟美良不忒滌泊河水黃參差嶂雲黑安得一作對兒
女垂帷弄毫墨葦弱不稱雄後得方爲特至思一作亦何

已君恩良未塞不許跨天山何由報皇德

同前

徐悱

研蹄飾鏤鞍飛鞚度河干少年本上郡遨遊入露寒
劔琢荆山玉彈把隋珠丸聞有邊烽急飛候至長安
然諾竊自許捐軀諒不難召一作占兵出細柳轉戰向樓蘭
雄名盛李霍壯氣勇彭韓能令石飲羽復使髮衝冠
要功非汗馬報効乃鋒端日沒塞雲起風悲胡地寒
西征馘小月北去腦烏丸歸報明天子燕然石復刊

同前

隋煬帝

白馬金具裝橫行遼水傍問是誰家子宿衛羽林郎
文犀六屬鎧寶劔七星光山虛弓響徹地迴魚聲長
宛河推勇

氣隴屬擅威強輪臺受降虜高闕剪名王射熊入飛觀樓

獵下長楊英名一作雄

一作

欺衛霍佳智策篋平良島夷時失禮卉

服犯邊疆征兵集薊北輕騎出漁陽進軍隨日暈挑戰逐

星芒陣移龍勢

一作膝

動營開虎

一作鷹

翼張衝冠

一作寇

入死

地攘臂越金湯塵飛戰鼓急風交征旆揚轉鬪平華地一作

麗

追奔掃帶方本持身許國况復武功彰會令千載後流

譽蒲旂常

同前

王胄

白馬黃金鞭蹀躞柳城前門此何鄉客長安惡少年結髮

從戎事馳名振朔邊良弓控繁弱利劔揮龍淵

一作泉

披林

扼彫虎仰手接飛鳶前年破

一作絕

沙漠昔歲取祁連折衝

摧右校塞旗殪左賢昆一作虎左傳有力如虎者彌還謝力慶忌本推

俛海外平一作憑遐險來庭識負寨一作職三韓勞薄伐六

事指幽燕良家選河右猛將徵西山浮雲屯羽騎蔽日引

長旃自矜有餘勇應募忽爭先王師已得雋夷首諒失一作

求全鼓行徇玉檢一作王儉乘勝蕩朝鮮志勇期一作所功立

寧憚微軀捐不羨山河賞唯希竹素傳

同前

辛德源

任俠重芳辰相從兢逐春金羈絡赭汗紫陌映一作縷應紅塵

寶劍橫一作提三尺瑠弓韜六鈞鳴珂蹀細柳飛蓋出宜春

遙見浮雲一作光發懸識離頭人

同前

杜甫

白馬東北來空鞍貫雙竹前可憐馬上即意氣今誰見近將

主將戮中夜商餘戰喪亂死多門嗚呼涕如霰

同前

李白

龍馬花雪毛金鞍五陵豪秋霜切玉劍落日明珠袍聞鷄

事萬乘軒蓋一何高弓摧南山虎手接泰山祿酒後競風

彩三盃弄寶刀殺人如剪草劇孟同遊遨發憤去函谷從

軍向臨洮叱咤經百戰一作萬戰場匈奴盡波濤歸來使酒氣

未肯拜一作下蕭曹羞入原憲室荒徑隱蓬蒿

同前

賈至

白馬紫連乾嘶鳴丹闕前聞珂自蹀躞不要下金鞭

同前

翁綬

渥注龍種雪霜同毛骨天生膽氣雄金埒乍調光照地玉
關初別遠嘶風花明錦旆垂揚下露濕朱纓細草中一夜
羽書催轉戰紫髯騎出佩駢弓

發白馬

費昶

家本樓煩倍投募羽林兇怖羗角觝戲習戰昆明池弓弛
不復挽劔衣恒露鉞一辭豹尾內長別屬車垂白馬今雖
發黃河未結澌寄言閨中婦逢春心勿移

此詩元編在白馬門按樂府白馬乃津名故加發字
與白馬不同今移于後

擬飲馬長城窟

陳後主

征馬入他鄉山花此夜光離群嘶向影因風屢動香月色

春城暗秋聲雜色長何以酬天子馬革報疆場

同前

王褒

北走長安道征旅

一作騎

每經過戰垣臨八陣門樓

一作旌門對

兩河屯兵戍隴北飲馬傍城阿雪深無復道冰合不生波
塵飛連陣聚沙平騎跡多昏昏隴底日

一作月

耿耿霧中河

羽林猶角觝將軍尚雅歌臨戎常拔劔蒙險屢提戈秋風
鳴馬首薄暮欲如何

同前

張正見

秋草朔風驚飲馬出長城群驚還怯飲地險更疑行傷水

一作水

一作飲

凍足畏冷急寒聲無因度吳坂方復入羗城

同前

隋煬帝

蕭蕭秋風起悠悠行萬里萬里何所行橫漠築長城豈台
小子智先聖之所營樹茲萬代策安此億兆生詎敢憚焦
思高枕於上京西河執一作北武節千里倦一作戎旌山
川互出沒原野窮超忽擬金止行陣鳴鼓興士卒千乘萬
騎動飲馬長城窟秋昏塞外雲霧暗關山月綠岩驛馬上
乘空烽火發借問長城一作安候單于入朝謁濁氣淨天山
晨光照高闕釋兵仍振旅要荒事方舉飲至告言旋歸功
清廟前

同前

唐太宗

塞外悲風切交河水已結瀚海百重波陰山千里雪迴戍
危烽火一作起層巒引高節悠悠心卷旆飲馬出長城寒沙

通騎迹朔吹斷邊聲胡塵清玉塞羌笛韻金鉦絕漠干戈
戰車徒振原隰都尉反龍堆將軍旋馬邑揚麾氛霧靜紀
石功名立荒裔一戎衣雲臺凱歌入

同前

虞世南

馳馬渡河干流深馬渡難前途錦車使都護在樓蘭輕騎
猶銜勒疑兵尚解鞍温池下絕澗棧道接危巒拓地勳方
未一作賞亡城律詎寬有月關猶暗經春隴尚寒雲昏無復
影冰合不聞湍懷君不可遇聊持報一餐

同前

袁朗

朔風動秋草清蹕長安道長安道一作城連不窮所以隔華戎
規模唯聖作負荷曉成功鳥庭已向內龍荒更鑿空玉關

塵卷靜金微路已通揚一作征隨北怨舞一作詠起南風

畫野一作地一作功初立綏邊事云集朝服踐狼居凱歌旋馬邑

山響傳鳳吹霜華藻瓊斂屬國擁節歸單于款關入日落

寒雲起驚河被原隰零落葉已寒河流清且急四時徃役

靜千載干戈戢太平今若斯汗馬意一作無施唯當事筆

硯歸去草封禪

同前

陳標

日日風吹虜騎塵年年飲馬漢宮人千堆戰骨那知主萬

里枯沙不辯春浴谷氣寒愁墜指斷崖冰滑恐傷神金鞍

玉勒無顏色淚滿征衣怨暴秦

同前

釋子蘭

遊客長城下飲馬長城窟馬嘶聞水腥為浸征人骨豈不

是流泉終不成潺湲洗盡骨上土不洗骨中窟骨若逐水

流一作水一作四海有還魂空流嗚咽聲聲中疑一作骨言

走馬引

張率

良馬龍為友玉珂金作羈相去京一作宛一作與洛半驟復平一作

半馳倏忽而千里光景不及移九方惜未見薛公寧所知

歛轡且歸去吾畏路傍兒

同前

傅綽

驄馬表連錢出冀後來燕取用偏開地為歌乃號天權奇

意欲遠躑躅勢難前本珍白玉鐙因飾黃金鞭願酬芻秣

寵千里得千年

愛妾換馬

一百天桃千里蹄芳

一作嬌

姿駿骨價應齊試

一作

牽玉勒

趨

一作辭

金埒

一作棧

初

一作催

整花鈿出繡闈去日豈無霑袖

袂

一作

泣別時猶解

一作歸

時還有

頓銜嘶嬋娟蹀躞春風暮

一作裏

揮手搖鞭楊柳堤

文苑英華卷第二百九

文苑英華卷第二百十

詩六十

樂府十九

臨高臺八首

登高臺一首

上之回五首

鈞筆篇四首

箜篌謠二首

箜篌引二首

公無渡河四首

苦熱十二首

苦寒六首

猛虎行四首

臨高臺

梁簡文帝

高臺半行雲望望不可

一作高不

極草樹無參差山河同一色

髣髴洛陽道道遠難可

一作別

識玉階故人情一作情人情來苦

共一作相憶

同前

張正見

層臺邈清漢出迴架重焚飛棟臨黃鶴高牕度白雲風前

朱幔一作幌色霞處綺甌分此中多怨曲地遠詎能聞

同前

沈約

高臺不可望遠望使人愁連山無斷絕河水復悠悠所思

竟一作愛何在洛陽南陌頭可望不可見一作至何用解人愁

同前

蕭愨

崇臺高百尺迴出望仙宮畫棋浮朝氣飛梁照晚虹小衫

飄霧縠艷粉拂輕紅笙吹文陽篠琴奏嶧山桐舞逐飛龍

引花隨少女風臨春今若此極宴豈無窮

同前

褚亮

高臺暫俯臨飛翼聳輕音浮光隨日度漾影逐波深迴瞻

周平野開懷暢遠矜一作襟獨此三休上還傷千里心

同前

王勃

臨高臺高臺迢遞絕浮埃瑤軒綺構何崔嵬鸞歌鳳吹清

且哀俯瞰長安道萋萋御溝草斜對甘泉路蒼蒼茂林樹

高臺四望同帝鄉佳氣鬱葱葱紫閣丹樓紛照耀碧房錦

殿相玲瓏東彌長樂觀西指未央宮赤城映朝日綠樹搖

春風旗亭有墜開一作開新市甲第千甍分戚里朱輪翠蓋

不勝春疊樹層楹相對起復有青樓大道中繡戶文窓雕

綺攏錦衣晝不礙羅帷夕未空歌屏朝掩翠粧鏡晚窺紅

為吾安寶髻娥眉罷花叢狹路塵間黯將暮雲開月色明

如素鴛鴦池上兩兩飛鳳凰樓下雙雙度物色正如此佳
期那不顧銀鞍繡轂盛繁華可憐今夜宿倡家倡家少婦
不須頻東園桃李片時春君看舊日高臺處栢梁銅雀尚
生一作黃塵

同前

沈佺期

高臺臨廣陌車馬紛相續迴首思舊鄉雲山亂心曲遠望
河流緩周看原野綠向夕林鳥還憂來飛景促

同前

王易從

漢主事和連良人在高闕空臺寂已暮愁坐變容髮汎艷
春幌風徘徊秋戶月可憐軍書斷空使流芳歇

登高臺

王僧孺

試出金華殿聊登銅雀臺九路平如掌一作砥千門乘晚一作

洞已開軒車映日至一作過簫管逐風來若非邯鄲美便是洛

陽才

上之回

蕭愨

發軔城西疇廻輿事北遊山寒石道凍葉下故宮秋朔路
傳清警邊風卷盡旒歲餘巡省畢按節一作擁返皇州

同前

陳子良

承平重遊樂詔蹕上之回屬車響流水清笳轉落梅嶺雲
蓋道轉巖花映綬開下輦便高宴何如在瑤臺

同前

盧照隣

回中道路險蕭關烽候多五營屯右一作北地萬乘出西河

單于拜玉璽天子按琱戈振旅汾川曲秋風橫大歌

同前

沈佺期

制書下闕右天子門回中壇墀經過遠威儀侍從雄黃麾
搃晝日青幃曳松風迴望甘泉道龍山隱漢宮

同前

李白

三十六離宮樓臺與天通閣道步行月美人愁煙空恩踈
寵不及桃李傷春風淫樂意何極金輿向回中萬乘出黃
道千旗揚綵虹前軍細柳北後騎甘泉東豈問渭川老寧
邀襄野童但慕一作秋暮瑤池宴歸來樂未窮

釣竿篇

劉孝綽

釣舟畫彩鷁漁子服冰紈金轄茱萸網銀鈎翡翠竿從棹

棹隨水脉急艇渡江湍一作湍急湍長自不亂前浦

佳期船交撓一作棹影合浦深魚出遲荷根時觸餌菱芒乍

胃絲連渡江南手衣渝京兆眉垂竿自有一作未樂誰能為

太師

同前

張正見

結宇長江側垂釣渡一作釣廣川潯竹竿橫翡翠桂髓擲黃金

人來戲一作水鳥沒撒渡岸花沉蓮搖見魚近綸盡覺潭深

渭水終湏卜滄浪徒自吟空嗟一作明芳餌下獨見有貪心

同前

李巨仁

潺湲面江海滉漾羈波瀾不惜黃金餌唯憐翡翠竿斜綸
控急水定撒下飛湍潭迴風來易川長霧歇難寄言朝市

客滄浪徒自安

同前

劉孝威

試持玄渚釣暫罷池陽獵翠羽飾長綸藻花裝小牒釣利
斷蓴絲帆舉牽菱葉聊載前魚童還看後舟妾

筮篔篹

結交在相得骨肉何必親斗言無忠實世薄多蘇秦從風
暫靡草富貴上昇人一作真不見高巔樹摧抗下為薪豈甘

一作日觀井中泥時至出作塵

同前

李白

攀天莫登龍走山莫騎虎貴賤結交心不移唯有嚴陵及
光武周公稱大聖管蔡寧相容漢誼一斗粟不與淮南春

兄弟尚路人行一作路吾心安所從他人方寸間山海幾千重

輕言托朋友對面九疑峯多花必早落桃李不如松管鮑

久已亡一作死何人繼其蹤

筮篔篹引

又曰公無渡河

李賀

公乎公乎提一作携壺將焉如屈平沉湘不足慕徐衍一作羨

入海誠為愚公乎公乎牀有筮席盤有魚比里有賢兄東

隣有小姑隴畝油油黍與葫瓦瓶濁醪蟻浮浮黍可食醪

可飲公乎公乎其一作可柰居被髮奔流竟何如賢兄小姑

哭鳴鳴

此詩三百三十五卷重出今已削去

李憑箜篌引

前人

吳絲蜀桐張高秋空白凝雲顏不流湘娥啼竹素女愁李
憑中國彈箜篌崑山玉碎鳳凰叫芙蓉泣露香蘭一作蘭香笑
十二門前融冷光三十三弦動紫篁一作皇女媧鍊石補天
處石破天驚逗秋雨夢入神仙教神嫗老魚跳波瘦蛟舞
吳質不眠倚桂樹露脚斜飛濕寒兔

公無渡河

劉孝威

請公無渡河河廣風威厲檣偃落金烏舟傾沒犀柅糾蓋
空嚴祠白馬徒牲祭銜石傷寡心崩城掩孀袂劍飛猶共
水魂沉魄俱逝君爲川后臣一作神妾作江妃姊

同前

張正見

金堤分一作紅錦纜白馬渡蓮舟風嚴歌管絕浪急一作湧

人愁棹折桃花水帆橫竹箭流何言沉璧處千載偶陽侯

同前

李白

黃河西來決崑崙咆哮萬里觸龍門波滔天堯咨嗟大禹
理百川兕啼不窺家殺湍湮洪流一作水九州始蠶麻其害
乃去茫然風沙被髮之叟狂而癡清晨徑一作臨流欲奚爲
傍人不惜妻止之公無渡河苦渡之虎可搏河難馮公果
溺死流一作沉海湄海湄有長鯨白齒若雪山公乎公乎挂
骨於其間箜篌所悲竟不還

同前

陳標

陰雲颯颯浪花愁半度驚湍半挂舟聲盡雲天君不住命
懸魚鱉妾同休黛娥芳臉垂珠淚羅襪香裙赴碧流餘魄

豈能銜木石獨將遺恨付筵篔

苦熱

梁簡文帝

六龍驚不息三伏啓炎陽寢興煩几案俯仰倦帷床滂沱

汗似淪

一作鏤

霏微風如湯洄池愧生浪蘭殿非含霜細簾

時半掩輕幌乍橫張雲斜花影没日落荷心香願見洪崖

井誰

一作誰

憐河朔觴

同前

任昉

旭日煙雲卷烈景入東軒傾光望轉蕙斜日照西垣既卷

蕉梧葉復傾葵藿根重簾無冷氣挾石似懷溫霖霖類珠

綴喘赫狀雷奔

同前

何遜

昔聞草木焦今覩沙石爛噓噓風逾靜曛曛日漸肝習

闕

一作闕

衣中讀書煩几案卧思清露挹

一作泥

坐待高明

一作明

星燦蝙蝠戶中飛蟻蠓窓間亂實無河朔飲空有臨淄汗

遺金自不拾惡木寧無幹願以三伏晨催促九秋換

同前

劉孝威

日暮苦炎溽遷坐接長廊月麗姮娥影星含織婦光栖禽

動夜竹流螢出閭墻香盤保鮮

一作鱗

粉雕臺

一作臺

承蔗漿

白羽徒搖幄綠水自周堂弱紈猶覺重織絺尚

一作向

少涼

弄風思漢朔戲雨憶吳王玄水術難驗赤道漏猶長誰能

更吹律還令黍谷涼

同前

王筠

日域散朱雱天隅斂青靄飛光煥南陸炎津湧北瀨繁星
聚若珠密雲屯似蓋月至每開衿風過時解帶

同前和樂儀同

庾信

火井沉熒散炎洲高燄通鞭石未成雨鳴鳶不起風思爲
鸞翼扇願借光明宮臨淄迎子禮中散就安豐美酒合作
含蘭氣甘瓜開蜜筒寂寥人事屏還得隱墻東

同前

杜甫甫時爲華州功曹

七月六日苦炎蒸對食暫飡還不能每愁夜中自足蝸况
乃秋後轉一作復多蠅束帶發狂欲大叫簿書何急來相仍
南望青松架短一作絕壑安能赤脚踏層冰

奉和李大夫同呂評事太行苦熱行兼寄院中諸

劉長卿

劉長卿

迢迢太行路自古稱險惡千騎儼欲前群峯望如削火雲
從中起仰視飛鳥落汗馬卧高原危旌倚長薄清風何不
至赤日方煎鑠石露一作枯山木焦鱗窮水泉涸九重今
食萬里傳明略諸將候軒車元兗愁鼎鑊何勞短兵接白
有長纓縛通越事豈難渡瀘功未博朝辭羊腸坂夕望貝
丘郭漳水斜饒營恒山遙入幕未懷姑蘇下因寄建安作
白雪和難成滄波意空託陳琳書記好王粲從軍樂早晚
歸漢廷隨公一作君麟閣

五言酬薛員外詎苦熱行見寄 僧皎然

六月金數伏茲辰日在庚炎曦爍一作曝肌膚毒靄昏性情

一作毒霧安得奮輕一作翮迢遙出雲征不知天地心如

何匠生成火德燒百卉瑤草不及榮有客當此時忽貽懷

中瓊捧翫煩衿滌嘯歌善一作羨風生進君佐元氣調使四

序平中令霜不祆火餘氣常貞江南詩騷客休吟苦熱行

苦熱行

王穀

祝融南來鞭火龍火旗焰焰燒天紅日輪當午凝不去萬

國如在洪爐中五嶽翠乾雲彩滅陽侯海底愁波竭何當

一夕金風發為我掃却天下熱

同前

僧鸞

燭龍銜火飛天地平陸無風海波沸彤雲疊掛竒峯長焰

焰流光蕪凝翠煙島搏鵬鰲雙翅羲和赫怒強總轡飲流

夸父斃長途始見當中印王字明明夜西朝又東古來有

道仍在中扶桑老葉蔽不得輝華直上凌蒼穹萬人揮汗

翻成雨口燥喉乾隘塵土西郊雲色晝冥冥如何不放一作

救生靈苦何山恠木藏蛟龍縮鱗卷鬣為乖慵不發滂澤

注天下欲使風雲何所從早苗原上枯成焰嶽靈徒祝無

神驗豪家簾外喚清風水紋明角鋪長簾玉扇畫堂凝夜

秋歌艷遶梁催莫愁陽烏落盡酒不醒扶上西園當月樓

靡由喝死非吾屬庫有黃金倉有粟

苦寒

喬知之

胡天夜清迥孤雲獨飄颻遙裔出鴈關逶迤含晶光陰陵

久徘徊幽都無夕陽初寒凍巨海殺氣流大荒朔風吹水

寒行子覆履胡霜路有從役倦卧死黃沙場羈旅因相
依慟之淚沾裳由來從軍行賞存不賞亡亡謝誠已矣徒
令存者傷

同前二首

杜甫

漢時長安雪一丈牛馬毛寒縮如蝟楚江巫峽冰入懷虎
豹哀號又堪記秦城老翁荆楊客慣習炎蒸歲絺綌玄冥
祝融氣或交手持白羽未敢釋

二

去年白帝雪在山今年白帝雪在地凍埋蛟龍南浦縮寒
割肌膚北風利楚人四時皆麻衣楚天萬頃一作里無晶輝
三足之鳥骨一作尾恐斷羲和送之將安歸一作送將安所歸又作送送將

同前二首

前人

南紀巫廬瘴不絕太古以來無尺雪蠻夷長老怨苦寒崑
崙天關凍欲一作應折玄猿口禁不能嘯白鵠翅垂眼出一作
血安得春泥補地裂

二

曉一作晚來江邊失大木猛風中夜飛一作穴白屋天兵新一作
斷斬青海戎殺氣南行動坤軸不爾苦寒何其一作大酷巴
東之峽生凌漸彼蒼迴幹人得知

同前

劉駕

百泉凍皆咽我吟寒更切半夜倚喬松不覺蒲衣雪竹竿

有其苦我愛把苦節鳥聲有悲歡我愛口流血潘生若解
吟更早生白髮

猛虎行一作吟

儲光羲

寒亦不憂雪饑亦不食人人肉一作血豈不甘所惡傷明神
太虛爲我宅孟門爲我隣百獸爲我膳五龍爲我賓蒙馬
一何威浮江亦以仁絲章曜朝日爪牙一作牙爪雄武臣高雲
逐氣浮厚地隨聲震君能賈餘勇日夕長相親

同前

李白

山欲顛倒秦人半作燕地囚胡馬翻街洛陽草一輪一失
非關隴頭水淚下不爲雍門琴旗旌續紛兩河道戰鼓驚
行作一作朝作又作行亦一作幕作又作坐亦一作坐亦猛虎吟腸斷

關下兵朝降夕叛幽薊城巨鰲未斬海水動龍魚奔走安

得寧頗似楚漢時翻覆無定止朝過博浪沙暮宿一作入淮

陰市張良未遇韓信曾劉項存亡在兩臣斃到下邳受兵

畧來投漂母作主人贊一作哲達一作悽悽古如此今將棄擲一作

書長劒束一作推高閣金鞍駿馬散故人昨日方爲宣城客

掣齡交通二千石有時六博快壯心遶牀三匝呼一擲楚

人每道張旭竒心藏風雲世莫知三吳邦伯多顧盼四海

豪一作推俠皆相推蕭曹亦一作會作沛中吏攀龍附鳳皆一作

當有時漂陽酒樓三月春楊花茫茫愁殺人胡鷁綠眼吹

玉笛吳歌白紵飛梁塵丈夫相見且爲樂椎牛搗鼓會衆

賓我從此去釣滄海得魚笑寄情相親

同前

張籍

南山北山樹冥冥猛虎白日遶村

一作林

行向曉

一作晚

一身

當道食此

一作山

中麋鹿盡無聲年年養子在深谷雌雄上

下不相逐谷中近窟有山村

一作林

長向林中

一作村家

取黃犢

五陵年少不敢射空來林下看行跡

同前

李賀

長戈莫椿強弩莫抨乳孫哺子教得牛僮舉頭為城掉尾

為旌東海黃公愁見夜行道逢騶虞牛哀

牛哀化虎也

不平何

用尺刀壁上雷鳴泰山之下婦人哭聲官家有程吏不敢

聽

文苑英華卷第二百十一

詩六十一

樂府二十

登名山篇一首

秦王卷衣二首

上留田二首

古挽歌七首

怨歌行五首

悲哉行五首

懷哉行一首

獨不見五首

定情篇一首

雜曲五首

憶昔行一首

偏又行一首

胡笳曲六首

雲中行一首

長干行一首

小長干行一首

江風行一首

登名山篇

李巨仁

名山稱地鎮一作本鎮地千仞一作迢迢上凌霄雲開金闕迥一作雲披

金澗霧起石梁遙翠微橫鳥路珠澗入一作樹拂星橋風急青

溪晚霞散赤城朝寓日幽棲地一作客駕言一作尋追綺季避

世一作跡絕桃源士忘情添園吏抽簪傲九辟脫屣輕千駟沉

冥負俗心蕭灑一作味索凌雲意蒼蒼聳極天伏眺盡山川壘

峯如積浪分崖若斷一作斜煙淺深聞渡雨輕重聽飛泉採

藥逢三島尋真值一作遇九仙藏書凡幾代看博已經年逝

將追羽客千載一來旋

秦王卷衣

吳均

咸陽春草芳秦帝捲衣裳玉檢茱萸匣一作帶金泥蘇合香

初芳熏一作動複帳餘輝曜一作寢當須晏一作晏朝一作晏

一作須史持此贈華一作龍陽

同前

陳標

秦家漢闕靄春煙珠樹瓊枝近碧天御氣馨香蘇合啓簾

光浮動水精懸霏微羅縠隨芳袖宛轉鮫綃逐寶筵從此

咸陽一回首暮雲愁色已千年

上留田

梁簡文帝

正月土膏初欲發天馬照曜動農祥田家斗酒群相勞為

歌長安金鳳凰

同前

李白

行至上留田孤墳何崢嶸積此萬古恨春草不復生悲風

四邊來勝斷白楊聲借問誰家地埋沒高里塋古老向余
言言是上留田蓬科馬鬣今已平昔之弟死兄不塋他人
於此舉銘旌一鳥死百鳥鳴一獸走百獸驚桓山五家之
禽別離苦欲去回翔不能征田氏倉卒骨肉分青天白日
摧紫荆交讓之木本同形東枝顛顛西枝榮無心之物尚
如此參商胡乃尋天兵孤竹延陵讓國楊名高風緬邈類
波激清尺布之謹塞耳不能聽

古挽歌

祖孝徵

昔日一作詩驅駟馬謁帝長楊宮旌懸白雲外騎徼紅塵中
今來向漳浦素蓋轉悲風榮華與歌笑萬事盡成空

同前

王烈身茂情樂府作趙微明

曩日高不一作蒿上明淒淒刺東路素車誰家子丹旌引將去

原下荆棘叢叢邊有新墓人生病長一作痛傷別此是長別

處日暮一作曠野何蕭蕭風悲一作青松白楊樹

同前

孟雲卿

草草閭門一作門巷喧車轍塗成位冥寂一作冥冥何所湏盡我生

人意北邙路非遠此別終天地臨穴頻撫棺至哀反無淚

爾形未衰老爾色猶一作昔童穉骨肉安一作不可離皇天若

容易房帷即靈帳一作虛張庭宇為哀次薤露歌若斯人生盡

如寄

同前

白居易

丹旌何飛揚素驂亦悲鳴晨光照閭巷轎車儼欲行蕭條

九月天晚出洛陽城一作哀挽借問送者誰妻子與弟兄

蒼蒼古原上一作挽我我開新塋含酸一悲一作哭異日

同哀聲舊壠轉蕪絕新塋日羅列春風秋草北却山此地

年年生死別

同前二首

于鵠

雙轍出郭門綿綿東西道送死多於生幾人得終老見此

切肝腸一作肺唯有一作不如歸山好不聞哀哭聲默默安懷抱

時盡從奄終一作物化又免生憂擣一作擾世間壽者稀盡為悲

傷早一作惱

二

送哭誰家車靈車紫帶長青童抱何物明月與香囊可惜

衣色看昇入水泉莫愁堦道暗燒漆得千年

三

陰風吹黃蒿挽歌渡秋水車馬却歸城孤墳明月一作月明裏

怨歌行

梁簡文帝

十五頗有餘日照杏梁初娥眉本多嫉掩鼻特成虺持此

傾城貌翻為不肖軀秋風吹海水寒霜依玉除月光臨戶

映荷花依浪舒望簷悲隻翼窺沼泣王餘名魚苔生履處沒

草合行人踈裂紈傷不盡歸骨恨難祛早知長信別不避

後園輿

同前

張正見

新豐妖冶地遊俠競嬌奢池臺間羅綺桃李雜煙霞蓋影

分連騎木香合並車艷粉驚飛蝶紅粧映落花舞衫飄冶
袖歌扇掩團一作紗玉帳狀一作珠簾捲金樓鏡月斜還疑
蕭史鳳不及季倫家

同前

虞世南

紫殿秋風冷雕甍落

一作白

日沉裁統悽斷曲織索引

一作別

離心掖庭若

一作

一作

改畫長門不惜金寵移思稍薄情疎恨

轉深香銷翠羽帳弦斷鳳凰琴鏡前紅粉歇陌上綠苔侵

誰言掩歌扇翻作白頭吟

同前

吳少微

城南有怨婦含愁傍芳

一作倚

叢自謂

二八時歌舞入漢宮

皇恩數流盼承幸玉堂中綠陌黃花催夜酒錦衣羅袖逐

春風建章西宮煥若神燕趙美女三千人君王馱德不慮

新况群艷冶紛來陳是時別君不再見三十三春長信殿

長信重門晝掩關清房曉帳幽且閑倚窓蟲網氛塵色文

軒鶯樹

一作對

桃李顏天王貴宮不貯老浩然掩淚

一作今

來還自憐春色轉晚暮試逐佳遊芳草路小腰麗女奪人

奇金鞍少年曾不顧歸來誰爲夫請謝西家婦莫辭先醉

解羅襦

同前

曹鄴

丈夫好弓劍行坐說金吾喜聞有行役結束不待車官田

贈倡婦留妾侍舅姑舅姑皆已死庭花半是蕪中妹尋適

人生女亦嫁夫何曾寄消息他處却有書嚴風厲中野女

子心易孤貧賤又相負封侯意何如

悲哉行

孟雲卿

孤兒去慈親遠客喪主人莫吟苦辛曲此曲誰忍聞可聞
不可說去去無期別行人念前程不待參辰沒朝亦恒苦
饑暮亦恒苦饑飄飄萬餘里貧賤多是非少年莫遠遊遠
遊多不歸

同前

王昌齡

每聽白頭吟人間易憂愁若非滄浪子安得從所願北上
太行山臨風閱吹萬長雲數千里倏忽還膚寸觀其微滅
時精意莫能論百年不容易是處生草蔓始悟海上人辭
君永飛遁

同前

陳陶

中徽仇先生遺余餌松方服之一千日肢體生異香步履
如風旋天涯一齋糧仍云爲地仙不得朝虛皇狡兔有三
窟人生又何常悲哉二廉士餓死於首陽

懷哉行

薛勸

明時無廢人廣廈無棄材良工不我顧有因寧自媒懷策
望君門歲晏空遲迴秦城多車馬日夕飛塵埃伐鼓千門
啓鳴珂雙闕來我聞雲雨施天下罔不該何意斯人徒棄
之如死灰主好臣必效時禁權必開俗流實驕矜得志輕
草萊文王賴多士漢帝資羣才一言拜將相片善咸居台
丈夫何不遇爲泣黃金臺

獨不見

劉孝威

夫婿結纓簪偏蒙漢寵深中人引卧内副車遊上林綬染
瑯琊草蟬鑄武威金分家移甲第留妾住河陰獨寢鴛鴦
被自理鳳凰琴誰憐雙玉筯流面復流襟

同前

柳惲

別島望風一作雲臺天顏一作泉臨水殿芳草生未積春花落
如霰出從張公子還過趙飛鸞奉箒長信宮誰知獨不見

同前

王訓

日晚宜春暮風軟上林朝對酒近初節開樓當夜嬌石橋
通小澗竹路上青霄持底誰見許長愁成細腰

同前

戴叔倫

前宮路非遠舊苑春將遍玉戶看早梅雕梁數飛一作歸
身輕逐舞袖香暖傳歌扇自和秋風詞長侍昭陽殿誰信
後庭人年年獨不見

同前

武元衡

荆門一柱觀楚國三休殿環珮儼一作仰神仙輝光生顧盼
春風細腰舞明月高堂宴夢澤水連雲渚宮花似霰俄驚
白日晚始悟炎涼變別島異波潮一作濤離鴻分海縣南北
斷相聞嘆嗟獨不見

定情篇

喬知之

共君結新婚歲寒心未卜相與遊春園各隨性情一作情所逐
君愛菖蒲花妾感苦寒竹天一作昌花多艷姿寒竹有貞葉

此時妾比君君心不如妾簪玉步河堤天一作交韶接綠蕙

鳧鴈將子遊鶯鶯從雙棲君向一作念春光好妾對一作向春

光啼君時不得意棄妾還金閨結言本同心悲歡何未齊

怨咽前致辭願得申所悲人間丈夫易世路婦難為始如

經天月一作始經天月照終若流星馳天月恒終始流星無定期

長思一作佳麗人失意非蛾眉廬江小吏一作婦非關織

作遲本願長相對今以一作長相思復有宦遊子結綬從

梁陳燕居從三朝去來歷九春誓心妾終始蠶桑奉所親

歸願未克從黃金贈路人絮婦懷明義從沈河之津于今

千萬年誰當問水濱更憶倡家樓夫婿事封侯去時思照

灼去罷心悠悠不矜一作妾歲晏十載隴西頭以茲常惕

揚首慮恒盈積由來共結襦幾人同匪石故歲雕梁燕雙

去歸一作來隻今日玉庭梅朝紅暮成碧碧榮始芬敷黃

葉已浙瀝何用念春芳春芳有流易何用重歡娛歡娛俄

戚戚家本巫山陽歸去路何長叙言情未盡采菘已盈筐

桑榆日反景物色盈高岡下有碧流水上有丹桂芳一作香

桂花一作不須折碧水自清一作碧流清且潔贈君比芳菲愛一作

受惠常不歇一作贈君比一作潺湲相思無斷絕妾有秦

家鏡寶匣裝珠璣鑑來年二八不記易陰暉妾無光寂寂

妾至鄙一作委照影依依今日特為贈相識莫相違

雜曲二首

王筠

烏還夜已逼蠱飛曉尚賒桂月徒留影蘭燈一作空結花

二

可憐洛城東芳樹搖春風丹霞映白日細雨帶輕虹

同前

傳綽

新人新寵住蘭堂翠帳金屏瑋琬牀叢星不如珠簾色度
月還同粉壁光從來著名推趙子復有丹唇發皓齒一嬌
一態本難逢如畫如花定相似樓臺宛轉曲皆通絃管透
迤徹下風此殿笑語恒長共傍省歡娛不復同訝許人情
太厚簿分恩賦念能斟酌多作綉被為雙鴛一作鴛鴦長弄綺
琴贈別鶴人今投寵要須堅會使歲寒恒度前共取星辰
作心抱無轉無移千萬年

同前

徐陵

傾城得意已無傳洞房連閣未消一作閣未消愁宮中本造鸞
鴛殿為誰新起一作為起新粧鳳凰樓綠黛紅顏兩相發千嬌百
態情無歌舞衫回袖勝春風歌扇當窓似秋月碧玉宮娃
自翩妍絳杼新聲最可憐張星舊在天河上從來張姓本
連天二八年時不憂度傍邊得寵誰相妬立春曆日自當
新正月春幡底舊故流蘇錦帳桂香囊織成羅幔隱燈光
祇應私將琥珀枕暝暝來上珊瑚床

同前

江惣

行行春逕蘼蕪綠織素那復解琴心乍愜南階悲綠草誰
堪東陌怨黃金紅顏素月俱三五夫婿何在今追尋關山
隴月春雪深一作誰見人啼花照戶

憶昔行

杜甫

憶昔北尋小有洞，洪河怒濤過輕舸。辛勤不見華蓋君，良
岑青輝慘么麼。千崖無人萬壑靜，三步回頭五步坐。秋山
眼冷魂未歸，仙賞心違淚交墮。弟子誰依白茅室，盧老獨
啓青銅鎖。巾拂香餘搗藥塵，階除灰死燒丹火。玄圃滄洲
莽空闊，金節羽衣飄婀娜。落日初霞閃餘映，倏忽東西無
不可。松風礧水聲合時，青兕黃熊啼向我。徒然咨嗟撫遺
迹，至今夢想仍猶佐。秘訣隱文湏內教，晚歲何功使願果。
更討衡陽董鍊師，南浮早鼓瀟湘柂。

偏仄行

贈畢四燿

前人

偏仄何偏仄，我居巷南子巷北。可恨鄰里間，十日不一見。

顏色自從官馬送，還官行路難行澁。如棘我貧無乘非，無
足昔者相過今不得。實不是愛微軀，又非關足無力徒步
翻愁官長怒。此心炯炯君應識，曉來急雨春風顛。睡美不
聞鍾鼓傳東家，蹇驢許借我泥滑。不敢騎朝天，已令請急
會通籍。男兒信一作性命絕，可憐馬能終日心拳拳。憶君誦
詩神凜然，辛夷始花亦已落。况我與子非壯年，街頭酒價
常苦貴。方外酒徒稀，醉眠速宜相就飲。一斗恰有三百青
銅錢。

此詩三百五十卷重出，今已削去。

胡笳曲二首

江洪

藏器欲邀一作逢時，年來不相讓。紅顏征戍兒，白首邊城將。

落日慘無光臨河獨飲馬颺颺夕風高聯翮飛鴈下

同前

陶弘景

負宸飛天歷與奪徒紛紜百年四五代終是甲辰君

同前

鄭愔

漢將留邊朔遙遙歲序深誰堪牧馬思正是胡笳吟曲斷
關山月聲悲雨雪陰傳書問蘇武陵也獨何心

同前

王昌齡

城南虜已合一夜幾重圍自有金笳引能露出塞衣聽臨
關月苦清入海風微三奏高樓曉胡人掩淚歸

同前

王貞白

隴底悲笳引隴頭鳴北風一輪霜月落萬里塞天空戍卒
淚應盡胡兒笑未終爭教班定遠不念玉關中

雲中行

薛童

雲中小兒吹金管向晚因風一川滿塞北雲高心已悲城
南木落腸堪斷憶昔魏家都此方涼風觀前朝百王千門
曉映山川色雙闕遙連日月光舉杯稱壽永相保日夕歌
鍾徹清昊將軍汗馬百戰場天子射獸五原草寂寞金輿
去不歸陵上黃沙塵路飛河邊不語傷流水川上含情歎
落暉此時獨立無所見日暮寒風吹客衣

長干行

李白

妾髮初覆額折花門前劇郎騎竹馬來遶床弄青梅同居

長千里兩小無嫌猜十四爲君婦羞顏未會開低頭向暗
壁千喚不一回十五始展眉願同塵與灰常存抱柱信豈
一作上望夫臺十六君遠行瞿塘滬瀨堆五月不可觸猿
聲天上哀門前遲一作行跡一一生綠苔苔深不能掃葉
落秋風早八月蝴蝶來一作雙飛西園草感此傷妾心坐
愁紅顏老早晚下三巴預將書報家相迎不道遠直至長
風沙

小長干行

前人類詩作
張潮

憶昔深閨裏煙塵不曾識嫁與長干人沙頭候風色五月
南風興思君下江一作陵八月秋一作風起看一作君發
揚子去時一作悲如何見少別離多湘潭幾人一作到

妾夢常一作越風波昨夜狂風度吹折江頭樹森森暗無邊
行人在何處好乘浮雲駒佳期蘭渚東鴛鴦綠蒲上翡翠
錦屏中自憐十五餘顏色桃花紅那作商人婦愁水復愁
風

江風行一作長江行

張潮

婿貧如珠玉婿富如埃塵貧時不忘舊富貴多寵新妾本
富家女與君爲偶匹惠好一何深中門不曾出妾有綉衣
裳葳蕤金縷光念君貧與賤易此從遠方三千路役思發
竟一作去悔不已日暮情更來空望去時水孟夏麥始秀江
上多南風商賈歸欲盡君今尚巴東巴東有巫山窈窕神
女顏常恐遊此方一作果然不知還

文苑英華卷第二十一
 賦
 詩六十二
 琴二十九首
 笙四首
 箏十首
 琵琶三首
 簫一首
 雜樂六首
 樂
 觀樂應詔
 梁王暕
 趙瑟含清音秦箏凝逸響參差陳九夏依遲紛四上從風
 繞金梁含雲映珠網遞奏豈二八繁絃非一兩幸叨東郭

文苑英華卷二百十二

詩六十二

音樂一

樂八首

琴二十九首

箏十首

笙四首

琵琶三首

篳篥一首

簫一首

笛十四首

雜樂六首

樂

觀樂應詔

梁王暕

趙瑟含清音秦箏凝逸響參差陳九夏依遲紛四上從風
 繞金梁含雲映珠網遞奏豈二八繁絃非一兩幸叨東郭

吹厠陪南風賞忘味信鏗鏘食和終俯仰輕塵已飛散遊
魚亦翻蕩恩光實難遇詠言寧易放

奉勅於太常寺脩正古樂

隋何妥 見初學記

大樂遺鍾鼓至樂貴忘情俗久淳和變年深禮教生嶰谷
調孤管崙山學鳳鳴浮雲成武曲白雪作歌名聞詩六義
辨觀漏八風平肅穆皇威暢淪連河水清鈞天動絲竹聒
地響罇鉦盡羨兼韶濩威德摠咸英寥亮鳧鍾徹飄揚翟
羽輕小臣屬千載時幸預簪纓行欣負蒼壁衢壇聽九成

樂部曹觀樂

前人

東海餘風大陶唐遺思深何如觀徧舞奏鼓間縱金清管
調絲竹朱絃韻雅琴八行陳樹羽六德審知音至道兼韶
濩克庭摠赫任高天度流火落日廣城陰百神諧景福萬
國仰君臨大樂非鍾鼓且用戒民心

奉和月夜聽軍樂應詔

薛道衡

旌門臨古堞微道渡深隍月冷凝秋夜山寒落夏霜遙空
澄暮色清景散餘光笳清喧隴水鼓曲噪漁陽沉鬱興神
思眺聽發天章嵩岱終難學丘陵徒自強

觀太常奏新樂

孔德紹

大君膺寶曆出豫表功成鈞天金石響洞庭弦管清八音
動繁會九變叶希聲雲和留睿賞薰風悅聖情盛烈光韶
濩易俗邁咸英竊吹良無取率舞抃輕生

同前

卞斌 一作孫萬壽

昔人夢上一作帝尚常一作喜預鈞天况茲荷一作開景業作

樂武功宣大雅子一作廢還理乘風毀更懸中和誠易擬韶

夏詎相沿捷為泗一作磬響徹嶰谷管聲傳小臣濫清耳長

奏南風絃

此詩二百四十卷重出今已削去注異同為一作

於太常寺聽陳國蔡子元所教一作正聲樂

許善心

維陽盛禮樂治定昔君臨克庭觀樹羽上一作帝仰縱金

既因鍾石變將隨河海沉湛露廢還序承一作風絕復尋

袞章無舊迹韶夏有餘音澤竭英莖散人遺憂思深悲來

未減瑟泫下正聞琴詎似文侯睡聊同微子吟鍾奏殊南

北商聲異古今獨有延陵聽應知亡國音

三層閣上置音聲

唐太宗見初學記

綺筵移暮景紫閣引霄烟隔棟歌塵合分階舞影連聲流

三處管響亂一作札一重絃不似秦樓上吹簫空學仙

琴

秋夜詠琴

劉孝綽見集本

上宮秋露結上客夜琴鳴幽蘭暫罷曲積雪更傳聲

同前

初學紀作詠琴

劉溉

寄語調絃者客子心易驚離泣已將墜無勞別鶴聲

日晚彈琴

馬元熙見初學記

上客殿前扉鳴琴對晚暉掩抑歌張女淒清奏楚妃稍視

紅塵落漸覺白雲飛新聲獨見賞莫恨知音稀

賦得為我彈清琴

沈炯

為我彈清琴琴鳴傷我襟半死無人覺入竈始知音空為

貞女引誰達楚妃吟類聚作心雍門何假說落淚自淫淫

聽琴

蕭愨

洞門涼氣滿閑館夕陰生絃隨流水急調雜秋風清掩抑

朝飛弄淒斷夜啼聲至人齊物我持此一作與悅高情

賦得詠琴

江惣

可憐嶧陽木雕為綠綺琴田文垂睫淚卓女弄絃心戲鶴

聞應舞遊魚聽不沉楚妃幸勿嘆此異丘中吟

賦得坐彈鳴琴

楊希道

北林鵲夜飛南軒日斜進調絃發清徵蕩心祛褊悵變作

離鴻聲還入思歸一作相思引長嘆未終極秋風飄素鬢

味琴

前人見初學記

又擅龍門質孤竦嶧陽名齊娥初奏弄趙女正調聲嘉客

勿遽反繁絃曲未成

同前

劉允濟

昔在龍門側誰想鳳鳴時雕琢今為器宮商不自持巴人

緩踈節楚客弄繁絲欲作高張引翻成下調悲

夏彈琴

劉希夷文粹作劉戡

碧天本岑寂素絲何清幽彈為風入松崖谷颯已一作秋

庭鶴舞白雪淵魚躍洪流余欲娛世人明月難暗投感歎

未終曲泱下不可收嗚呼鍾子期零落歸山荒一作丘死而
若有知魂兮從我遊

琴

隱一作名

士竹林隈英聲一作鳴寶匣開風前綠綺弄月下白

雲來

一作風前中散淮海多為寶一作淮海魯為寶武

岷舊作臺子期如何聽山水響餘哀

寶琴

唐釋彪

吾有一寶琴價重雙南金刻作龍鳳像彈為山水音星從
徽裏發風來絃上吟鍾期不可遇誰辨曲中心

江上琴興此詩已見一百六十二卷常建

張山人彈琴

前人

居士芳草綠西峯留王琴豈惟丘中賞兼得清煩襟朝從
山口還出嶺聞幽音了然雲霞意照見天地心玄鶴下澄
空翩翩舞松林改絃和一作扣商聲又聽飛龍吟稍覺此身
妄漸知仙事深其將鍊金鼎未矣投吾簪

琴

王昌齡

孤桐秘虛鳴朴素傳幽真髣髴絃指外遂見初古人意遠
風雪苦時來江上一作山春高宴未終曲誰能辨經綸

聽琴彈風入松贈楊補闕

前人

商風入我琴夜竹深有露絃悲與林寂清景不可度寥落
幽居心颺颺青松樹松風吹草白谿水寒日暮聲意去復
還九辨待一顧空山多兩雪獨立君始悟

秋夕聽羅山人彈三峽流泉 岑參

皤皤岷山老抱琴鬢蒼然衫袖拂玉徽為彈三峽泉此曲
彈未半高堂如空山石林何颼颼忽在窓戶間纖指弄鳴
咽清絲激潏潏演漾怨楚雲虛徐韻秋煙疑蕪陽臺雨似
雜巫山猿幽引鬼神聽靜令耳目便楚客腸欲斷湘妃淚
斑斑誰裁清桐枝亘以朱絲絃能含古人曲迥與今人傳
知音難再逢惜君方老年曲終月已落惆悵東齋眠

同張參軍喜李尚書寄新琴 司空曙

新琴傳鳳凰晴景稱高張白玉連徽淨朱絃集作擊瓜長
輕埃隨拂拭雜集作籟蒲鏗鏘想山泉合如親蘭蕙芳
正聲銷鄭衛古狀掩笙簧遠識賢人意清風願激揚

冬夜陪丘侍御先輩聽崔校書彈琴 楊巨源

雪蒲中庭月映林謝家幽賞在瑤琴楚妃波浪天南遠蔡
女煙沙漠北深顧盼何曾因誤曲殷勤終是感知音君將
雅調開詩興未抵丘遲一片心

宿藏公院聽齊孝若彈琴 前人

禪思何妨在玉琴真僧不見聽時音離聲怨調秋堂夕雲
向蒼梧湘水深

夜集汝州郡齋聽陸僧辨彈琴 孟郊

康樂寵詞客清宵意無窮徵文北山集作外惜月南樓中
千里寂然靜集作一樽歡暫同胡為憂楚瑟浙瀝起寒

風

聽琴

前人

颯颯微雨收翻翻橡集作桐葉鳴月沉亂岑西寥落三四星

前溪忽調琴隔林寒琤琤聞彈正弄聲不敢枕上聽廻燭

整頭簪漱泉立中庭定步履齒深久彈月集作貌冥冥微

風吹衣襟亦集作猶認宮徵聲學道三十年未免憂死生聞

彈一夜中會盡天地情

白居易

好彈集作聽琴

本性愛集作好絲桐塵機聞即空一聲來耳裏萬事離心中

清暢堪銷疾恬和好養蒙尤宜聽三樂安慰白頭翁

前人

夜調琴憶崔少卿

今夜調琴忽有情欲彈惆悵憶崔卿何人解愛中徽上秋

憑頭邊八九聲

聽琴集作清夜

前人

月出烏棲盡寂然坐空林是時心景閑可以彈素琴清冷

由木性恬淡隨人心心積和平氣木應正始音響餘群動

息曲罷秋夜深正聲感元化天地清沉沉

廢琴

前人

絲桐合為琴中有太古聲古聲淡無味不稱今人情玉微

光彩滅朱絃塵土生廢葉來已久遺音尚冷冷不辭為君

彈縱彈人不聽何物使之然羌笛與秦箏

聽段處士彈琴

方干

幾年調弄七條絲元化工夫集作分功十指知泉迸清集作音

雜石底松含細韻在霜枝窓中集作東顧兔初圓夜竹上寒
蟬盡散時唯有此時集作中心更淨集作靜聲聲堪集作可作後
人師

聽琴

張喬

清明轉琴一作靜軫弄中湖一作湘水寒能令坐來客不語自
相看靜一作淨恐鬼神出急疑風雨殘幾時歸嶺嶠更過洞
庭彈

同前一作蜀琴

羅隱

寒雨蕭蕭落井梧夜深何處怨啼鳥不知一盞臨邛酒救
得相如渴疾無

箏

和彈箏人二首

梁孝元帝

橫箏在故帷忽憶上絃時舊柱離移處銀帶手輕一作經持
悔道啼將別教成今日悲

二

瓊柱動金絲秦聲發趙曲流徵含陽春美手過如玉

詠彈箏人

梁昭明太子

故箏猶可惜應度新人邊塵多澁移柱風燥脆調絃還作
三州曲誰念九重泉

詠箏

沈約

秦箏吐絕調玉柱揚清曲絃依高張斷聲隨妙指續徒聞
音繞梁寧知顏如玉

同前

王臺卿

依歌時轉韻按曲動花鈿促調移輕柱亂手度繁絃唯有
高秋月秦聲獨可憐

玄圃宴各味一物得箏

陸瓊

三五併時年二八共來前今逢泗濱樹定減琴中絃鶴別
霜初緊鳥一作啼月正懸

聽箏

張九齡

端居正無緒那復發秦箏纖指傳新意繁絃起怨情悠揚
思欲絕掩抑態還生豈是聲能感人心自不平

箏柱子

朱灣

散木今何幸集作良工不棄捐力微慙一柱材薄仰集作

群絃且喜聲相應寧辭跡屢遷知音如見賞雅調為君傳

箏

白居易

雲髻飄蕭綠花顏旖旎紅雙眸剪秋水十指剝春葱楚艷
為門閤秦聲是女功甲鳴銀玦瓌柱觸玉玲瓏袞苦啼嫌
月鶯嬌語泥風移愁來手底送恨入絃中趙瑟情集作相
似胡琴調集作不同慢彈迴斷鴈急奏轉飛蓬霜珮鏘還
委冰泉咽復通珠聯千拍碎刀截一聲終倚麗精神定矜
能意態融歇時情不斷休去思無窮燧下清歌集作夜罇
前白首翁且聽應得在老耳未多聾

贈彈箏人

溫庭筠

天寶年中事玉皇曾將新曲教寧王鈿蟬金鳳集作細皆

零落一曲伊州淚萬行

笙

笙

陸罕

管清羅袖拂響合絳脣吹合情應節轉逸態逐聲移所美
周王子弄羽一參差

同前

沈約

彼美實孤枝孤篠定參差鷓鴣已嘲啞棗下復林離本期
王子晉初學記作宴寧待洛濱吹

同前

楊希道

短長插鳳翼洪細摹鸞音能令楚妃歎復使荆王吟切切
孤竹管來應雲和琴

嵩嶽開笙

劉希夷

月出嵩山東月明山益空山人愛清景散髮卧秋風風止
夜河清獨夜草蠱鳴仙人不可見乘月近吹笙絳脣吸靈
氣玉指調真聲真聲是何曲三山鸞鶴情昔余落塵俗願
言聞此曲今我集作來卧嵩岑何幸承幽音神仙樂吾事笙
歌銘夙心

琵琶

琵琶

唐太宗

半月無雙影金花有四時推藏千里態掩抑幾重悲促節
營紅袖清音蒲翠帷駛彈風響急緩曲釧聲遲空遺關隴
恨因此代相思

聽鄰人琵琶

陳叔達

本自龍門桐因妍入漢宮香由一作錄羅袖裏聲逐朱絃中

雖初學記作離有相思韻翻將入塞同關山臨却月花藥散迴

風為將金谷引添今曲未終

鄂渚聽杜別駕彈胡琴

劉長卿

文姬留此曲千載一知音不解胡兒語空愁楚客心聲隨

邊草動意入隴雲深何事長江上蕭蕭出塞吟

箜篌

箜篌

梁簡文帝

揆遲初挑吹弄急持摧類聚作時推舞釧響逐絃鳴衫迴半鞞

柱欲知心不平君看黛眉聚

簫

簫

劉孝綽一作儀

危聲合歌鼓類聚作鼓吹絕弄混笙篴管饒和氣促釵動覺齊

移仙史安為貴能令秦女隨

笛

賦長笛吐氣清

周宏讓

商聲傳後出龍吟鬱前吐情斷山陽舍氣咽一作吐平陽塢

胡騎爭北歸偏知引一作別鄉苦羈旅情易傷零淚如交雨

同前

賀徹

胡關氛霧侵羗笛吐清音韻切山陽曲聲悲隴上吟柳折

城邊樹梅舒嶺外林方知出塞虜不憚武溪深

詠笛

姚察

作曲是佳人制名由巧匠鵠絃時莫並鳳管還相向隨歌
響更發逐舞聲彌亮宛轉度雲窓逶迤出黼帳長隨畫堂
裏承恩無所讓

同前

劉孝孫

涼秋夜笛鳴流風韻九成調高時慷慨曲變或淒清征客
懷離緒隣人思舊情幸以知音故千載有奇聲

同前

李嶠

羌笛寫龍

一作餘

聲長吟入夜清關山孤月下來向隴頭鳴

逐吹梅花落含春柳色驚行觀何子賦坐憶舊鄰情

清溪半夜聞笛

李白

羌笛梅花引吳溪隴水清寒山秋浦月腸斷玉關情

與史郎中飲聽黃鶴樓吹笛

前人

一為仙客去長沙西望長安不見家黃鶴樓中吹玉笛江
城五月落梅花

觀胡人吹笛

前人

胡人吹玉笛一半是秦聲十月吳山曉梅花落敬亭愁聞
出塞曲淚滿逐臣纓却望長安道空懷戀主情

江中聞笛

王昌齡

橫笛怨江月扁舟何處尋聲長楚山外曲繞胡關深相去
萬餘里遙傳此夜心寥寥浦嶼寒響盡唯幽林不知誰家
子復奏邯鄲音水客皆擁棹空霜遂盈襟疲馬頰北走遷

人悲越吟何當邊草白旌節龍城陰

塞上聽吹笛

高適

雪淨胡天牧馬還月明羌笛戍樓間

一作胡人羌笛戍樓間樓上滿條明月間

聞笛

李益

回樂峯前沙似雪受降城外月如霜不知何處吹蘆管一

夜征人盡望鄉

寄岷笛與宇文舍人

杜牧

調高銀字聲還側物比柯亭韻校奇寄與玉人天上去相
將軍見不教吹

寄澧州張舍人

前人

髮勻肉好生春嶺截玉鑰星寄使君檀的染深一作時痕半

月落梅飄處響穿雲樓中威鳳傾冠聽沙上驚鴻掠水分
橫想紫泥封詔罷夜深遙隔禁城聞

夜上受降城

一無此五字

聞笛

李益

一作戍

入夜思歸一作歸思切笛聲清更哀愁人不願聽自到枕前來

風起寒一作塞雲斷夜深關月開平明獨惆悵落一作飛盡一

庭梅

雜樂

詠鍾

李嶠

既接南鄰磬還同一作隨北里笙平陵通曙響長樂徹單題詩作

驚宵聲秋至含霜動春歸應律鳴豈惟恒待扣金簾有餘

清

夜聞簾篔

杜甫

夜聞簾篔滄江上
衰年側耳情所向
鄰舟一聽多感傷
塞曲三更歛悲壯
積雪飛霜此夜寒
孤燈急管復風湍
君知天地干戈滿
不見江湖行路難

窟磊子人

梁鍾

刻木牽絲作老翁
雞皮鶴髮與真同
須臾弄罷寂無事
還似人生一世中

樓中閱清管

韋應物

山陽遺韻在林端
橫吹驚響迴憑高
閣曲怨繞秋城浙
澀危葉振蕭瑟涼
風生始遇絲一作管賞已懷故園情

誅拍板

朱灣

赴節心長在從繩
道可集作可觀須知片木用
莫向集作向散材看空為歌
偏苦仍愁和即難既能親掌握
頤得接同歡

聽杜山人彈胡笳

戎昱

綠琴胡笳誰妙彈
山人杜陵名庭蘭
杜君少與人友支
山人沒來今已久
當時海內求知音
囑付胡笳入君手
杜陵攻琴四十年
琴聲在音不在絃
座中為我奏此曲
蒲堂蕭颯如窮邊
第一第二拍淚盡
蛾眉沒蕃客更聞
出塞入塞聲穹廬
毳帳難為情胡天
雨雪四時下五月
不曾芳草生須叟
促軫變宮徵一聲
悲兮一聲喜南看
漢月雙眼明却顧
胡兒寸心死迴鶻
數年收洛陽洛陽
士女皆驅將豈無
父

母與兄弟聞此哀情皆斷腸杜陵先生證此道沈家祝家
皆絕倒如今世上雅風衰若箇深知此聲好世上愛筆不
愛琴則明此調難知音今朝促軫爲君奏不向俗流傳此
心

文苑英華卷二百十二

文苑英華卷第二百十三

詩六十三

音樂二

附歌舞

歌二十二首

舞七首

歌妓四十三首

歌

李嶠

漢帝臨汾水周仙去洛濱郢中吟白雪梁上繞飛塵響發
行雲駐聲隨一作嬌子夜新願君聽扣角當自識賢臣

口號踏歌詞

張說

花萼樓前雨露新長安城裏太平人龍銜火樹千重集作燈

焰鷄踏集作上蓮花萬壽集作春

聽楊氏歌

杜甫

佳人絕代歌獨立發皓齒滿堂慘不樂響下清虛一作浮雲裏
江城帶素月况乃清夜起老夫悲暮年壯士淚如水玉盃
久寂寞金管迷宮徵勿云聽者疲愚智心盡死古來傑出
士豈待一知己吾聞西秦音集作音傾側天下耳
夜上西城聽梁州二首
李益

行人夜上西城宿聽唱梁州雙管逐此時秋月滿關山何

處關山無此曲

二

鴻鴈新從北地來聞聲一半却飛回金河戍客集作卒腸應
斷更在秋風百尺臺

聽赤白桃李花

前人

赤白桃李花先皇在時曲欲向西宮唱西宮宮樹綠

聽樂悵然自述

韓滉

萬事傷心對管絃一身含淚向春煙黃金用盡教歌舞留
與他人樂少年

與歌者何戡

劉禹錫

二十餘年別帝京重聞天樂不勝情舊人唯有何戡在更
與殷勤唱渭城

聽舊宮中樂人穆氏唱歌

前人

魯隨織女渡天河記得雲間第一歌休唱貞元供奉曲如
今一作當特朝士已無多

與歌者米嘉榮

前人

唱得梁州意外聲舊人難數米嘉榮
近來時世輕先輩好染髭鬚事後生

與歌童田順郎

前人

天上龍歌御史娘花前月底奉君王
九重深處無人見分付新聲與順郎

夜聞歌者

鄂州

白居易

夜泊鸚鵡洲秋江月一作江月秋澄澈鄰船有歌者發調堪愁
絕歌罷繼以泣泣聲通復咽尋聲見其人
有婦顏如雪獨倚帆檣立娉婷
十七八夜淡似真珠雙雙墮明月借問誰家婦歌泣何悽切
一問一沾巾集作襟低眉竟集作終不說

臨臥聽法曲雷九裳

前人

金磬玉笙調已久空集作牙牀角枕睡常遲
蒙籠閑夢初成後宛轉柔聲入破時
樂可理心應不謬酒能陶性定集作信
無疑起嘗殘酌聽餘曲斜背銀釭半下帷

聽歌

前人

管妙絃清歌入雲老人合眼醉醺醺
誠知不及當年聽猶覺聞時勝不聞

王將軍宅夜聽歌

于武陵

朱檻滿一作鋪明月美人歌落梅忽驚塵
起處疑有鳳飛來一曲聽初徹
幾年愁暫開東南正雲雨不得見陽臺

聞歌

李商隱

歛笑凝眸意欲歌高雲不動碧差我銅臺罷望歸何處王
輦忘還事幾多青塚路邊南鴈盡細腰宮裏北人過此聲
腸斷非今日香地燈光奈爾何

醉間聞甘州

薛逢

老聽笙歌亦解愁醉中因遣合甘州行追赤嶺千山外坐
想黃河一曲流日暮豈堪征婦怨路傍能結旅人愁左綿
刺史心先死淚滿朱絃催白頭

贈歌者

薛能

一字新聲一顆珠轉喉疑是擊珊瑚聽時坐部音中有唱
後瓔花葉裏無漢浦篴聞虛解珮臨邛焉用枉當鑪誰人
得向清樓宿便是仙郎不是虛

席上贈歌者

鄭谷

花木

集作月

樓臺近久衢清歌一曲倒金壺座中亦有一作

江南客莫向清風

集作清風又作樽前唱鷓鴣

歌二首

司空圖

處處亭臺只壞墻軍營人學內人粧太平故事因君唱馬
上曾聽隔教坊

二

經亂年年厭別離歌聲無似太平時詞臣更有中興頌磨
取蓮峯便作碑

同前

王貞白

誰唱關西曲寂寞

一作寒寒

夜景深一聲長在耳萬恨重經心

調古清風起曲終涼月沉却應筵上客未必是知音

舞

舞

梁簡文帝

戚里多妖麗重娉茂一作燕餘逐節工新舞嬌態似陵虛

納花承禱概垂翠逐璫舒扇開衫影亂巾度履行踈徒勞

交甫憶自有專城居

同前

可憐二八物初學記作二八初逐節似飛鴻懸勝河陽妓

聞與淮南同入行看復進轉面望鬟空腕動昭華玉衫隨

如意風上客何須起啼鳥曲未終

同前應令

劉遵

偶女多嬌色入選盡華年舉腕嫌衫重迴腰覺態妍情纏

陽春吹影逐相思絃履度開裙袂一作髮轉匝花鈿所愁

餘曲罷為欲在君前

同前

王訓

新粧本絕世妙舞亦如仙傾腰逐韻管歛色聽張絃袖輕

風易入釵重步難前笑態千金動衣香十里傳持此類作

聚將飛鷺定當誰可憐

同前

楊皦

紅顏自燕趙妙妓邁陽阿就行齊逐唱赴節闇相和折腰

送餘曲歛袖待新歌嘖容生翠羽慢類聚睇出橫波雖稱

趙飛燕比此詎成多

文苑英華

同前

徐陵

十五屬平陽因來入建章主家能教舞城中巧畫粧低鬟
向綺席舉袖拂花黃燭送空邊影衫傳鈴公合集裏香當
筵好番客故作舞衣長集作裳

同前

庾信

洞房花燭明燕餘雙舞輕頓履隨踈節低鬟逐上聲伴類
作轉行初進衫飄曲未成鸞迴鏡欲滿鶴顧市應傾已曾
天上學詎見類聚地中生

歌妓

夕出通波閣下觀妓

梁孝元帝

娥月漸成光燕姬戲小堂胡舞間齊閣類聚作湖鈴盤出

張薊起龍調節鼓却鳳點笙簧樹交臨舞席荷生夾妓航
竹密無分影花踈有異香提初學記盃時笑語歡茲樂未
央

和林下詠妓應令

同前

日斜下北閣高宴出南榮歌清隨澗響舞影向池生輕花
亂粉色風蓀雜絃聲獨念陽臺下願待落川笙

同前

梁昭明太子

炎光向夕歛徙宴臨前池泉將影相得花與面相宜篴聲
如鳥哢舞袖寫風枝歡樂不知醉千秋長若斯

武陵殿下看妓

劉孝綽

燕姬奏妙舞鄭女發清歌迴羞出慢臉送態表頓娥寧殊

遇行兩詎減見凌波想君愁日落

集作落日

應羨魯陽戈

冬夜對妓

蕭放

見初學記

佳麗盡時年合暝不能眠銀龍銜燭畏金鳳起爐煙吹簾
先弄曲調箏更撮絃歌還團扇後舞出妓行前絕代終難
及誰復數神仙

夜出妓

沈君攸

簾閉月色度燭定岐成行迴身釧玉動頓履佩珠鳴低衫
拂髮影舉扇起歌聲匣中曲猶奏掌上體應輕

和趙王看妓二首

庾信

綠珠歌扇薄飛燕舞衫長琴曲隨流水簫聲逐鳳凰細縷
纏鍾格類聚作細圓花釘鼓床懸知曲不誤無事畏周郎

二

浣沙疑作沙

長思浣沙石定憶擣衣砧臨叩若有便

一作使

為說解琴心

奉和趙王美人春日

前人

直將劉碧玉來過陰麗華祗言蒲屋裏併作一園花新藤
亂上格春水漫吹沙步搖釵梁動紅綸帔角斜今年逐春
處先向石崇家

侯司空宅詠妓

陰鏗

佳人遍綺席妙曲動鳴絃樓似陽臺上池如洛浦邊鴛啼
歌扇後花落舞衫前翠柳將斜日偏是

類聚作俱照

晚粧鮮

同前

劉刪

石家金谷妓粧罷出蘭閨看花只欲笑聞琴不勝啼山邊

文苑英華 卷一百一十五
歌落日池上舞前溪將人當桃李何處不成蹊

酬蕭待中春園聽妓

李元操

微雨散芳菲中園照落暉紅樹搖歌扇綠珠佩初學記舞

衣繁絃調對酒雜引動思歸愁人當此夕羞見落花飛

和衡陽殿下高樓看妓

江惲

綺樓侵碧漢初日照紅粧絃心艷卓女曲調動周郎並歌

時轉黛息舞斲分香挂纓銀燭下莫笑王釵長

夜聞隣妓

盧思道

倡樓對三道吹臺臨九重笙隨山上鶴笛奏水中龍怨歌

聲不斷妙舞態難逢初學記誰能暫留客解佩一相從

衡陽王齋閣奏妓

虞茂

金溝低御道玉管正吟風拾翠天津上迴鸞鳥道中鏡前

看月近歌麈覺塵空今宵織女見言是望仙宮

和許給事善心戲場轉韻

薛道衡

京洛重新年復屬月輪圓雲間壁獨轉空裏鏡孤懸萬方

皆集會百戲盡來前臨衢車不絕夾道閣相連驚鴻出洛

水翔鶴下伊川艷質回風雪笙歌韻管絃佳麗儼成行相

携入戲場衣類何平叔人同張子房高高城裏髻我我樓

上粧羅裙飛孔雀綺帶垂鴛鴦月映班姬扇風飄韓壽香

竟夕漁父初學記燈徹夜龍銜燭歡初學記笑無窮已歌

吹還相續羌笛隴頭吟胡舞電茲曲假面飾金銀盛服搖

珠玉宵深戲未闌競爲人所謹卧馳飛王勒立騎前銀鞍

縱橫既躍劍揮霍復跳丸柳揚百獸舞盤跚五禽戲後猊
弄班足巨象垂長鼻青羊跪復跳白馬回旋駛忽見羅浮
起俄看爵島至峯嶺既崔嵬林叢亦青翠麈麈下騰倚猱
倏或蹲跂金徒列舊刻玉律動新灰甲英垂陌柳殘花散
苑梅繁星漸寥落斜月尚徘徊王孫猶勞戲公子未歸來
共酌瓊蘇酒同傾鸚鵡杯普天逢盛日兆庶喜康哉

詠妓

陳子良

金谷多歡宴佳麗正一作盡芳菲流霞席上滿迴雪掌中飛
明月臨歌扇行雲接舞衣何必桃將李別有待春暉

和平涼公觀趙郡王妓

弘執恭

小堂羅薦陳妙妓命燕秦娥初學記眉疑假黛紅臉自含

春合舞俱迴雪分歌共落塵齊竿不可厠空願上龍津

詠妓

王勣

妖姬飾淨粧窈窕出蘭房日照當軒影風吹滿路香早時
歌扇薄今日舞衫長不應令曲誤持此試周郎

益州城西張超亭觀妓

前人

落日明歌席行雲逐舞人江前飛暮雨梁上下輕塵冶服
看疑畫粧臺望似春高車勿遽返長袖欲相親

辛司法宅觀妓

前人

南國佳人至北堂羅薦開長裙隨鳳管促柱送鸞杯雲光
身後落雪態掌中回到愁金谷晚不恠玉山頽

天津橋上美人

駱賓王

美女出東鄰容豫上集作天津整衣香蒲路移步襪

生塵水下看粧影眉頭盡月新寄言曹子建箇是洛川神

戲贈趙使君美人杜審言

紅粉青娥映楚雲桃花馬上石榴裙羅敷獨向東方去謾

學他家作使君

觀妓詠和舞張諤一作鶻

半額畫雙娥盈盈燭下歌玉杯寒意少金屋冶情多香艷

王分帖裙嬌勅賜羅平陽莫想妬喚出不如他

五日觀妓春沙萬楚疑从作

西施謾道浣春沙碧玉今時明麗華眉黛奪將萱草色紅

裙妬殺石榴花新歌一曲令人艷醉舞雙眸歛髮斜誰道

五絲能續命却知今日死君家

在水軍宴常司馬樓船觀妓李白

摇曳帆在空清流順歸風詩因鼓吹發酒為歛歌雄對舞

青樓妓雙鬟白玉童行雲且莫去留醉楚王宮

邯鄲南亭觀妓前人

歌妓集作燕趙叟魏妹集作弄鳴絲粉艷燦月彩集作

粉日彩舞衫拂花枝把酒顧美人請歌邯鄲詞集作淨清箏何

繚繞度曲綠雲垂平原君安在科斗生古池座客三千人

于今知有誰我輩不作樂但為後代悲

携妓登梁王栖霞山盖集作孟氏桃園中前人

碧草已蒲地柳與梅爭春謝公自有東山妓金屏笑座如

花人今日非昨日明日還復來白髮對綠酒強歌心自作
已推君不見梁王池上月昔照梁王罇酒中梁王已去明
月在黃鸝愁醉啼春風分明感激眼前事莫惜醉卧桃園
東

出妓金陵子呈盧六

前人

安石東山三十春傲然携妓出風塵樓中見我金陵子何
似陽臺雲雨人

同前

前人

南園新豐酒東山小妓歌對君君不樂花月奈愁何

詠歌容娘

常非月

舉手整花鈿翻身舞錦筵馬圍行處匝人簇看場圓歌索

齊聲和情教細語傳不知心大小容得許多憐

王家小婦

崔顥

十五嫁王昌盈盈入畫堂自矜年最小復倚姁為郎舞愛
前溪綠歌憐子夜長閑來聞百草度日不成粧

岐王席觀妓

前人

二月春來半王家日漸長柳垂金屋暖花發玉樓香拂匣
先臨鏡調笙更炙黃長將欲舞能只擬奉君王

陪辛大夫西亭宴觀妓

劉長卿

歌舞憐

集作連

遲日旌麾

集作旗

映早春鶯窺隴西將花對洛

陽人醉罷知何事恩深忘此身任他行雨去歸路裊輕塵

揚州雨中張十七宅觀妓

張謂

夜色帶春煙燈花拂更然殘粧添石黛絕一色舞落金鈿
掩笑頻歌扇迎歌乍動絃不知巫峽雨何事海西邊

開府席上賦得詠美人名解愁 盧綸

不敢苦相留明知不自由頰眉乍欲語歛笑又低頭舞態
蕪些醉歌聲似帶羞今朝慙見他只守解人愁

楊卯白總目有各無詩

于鵠前同

王建前同

白居易前同

和王秀才傷歌妓見詩三五卷

溫庭筠

周員外山出雙舞姝技妓

張祐

畫鼓拖環錦臂攘小娥雙換舞衣裳金絲蹙霧紅衫薄銀

葉垂花紫帶長鸞影乍迴頭並集作對舉鳳聲初歇翅齊張

一時折腕招殘拍斜歛輕身拜玉郎

沈光前同

文苑英華卷第二百十三

文苑英華卷第二百十四

詩六十四

人事一

宴集六十七首

同集晉安兒宅

劉孝綽

夫君追宴喜十日迺來過築室華池上開軒臨菱荷方塘

交密篠對雷接繁柯景移林改色風度類聚作去水餘波洛城

雖半集作未掩愛客待驪歌

後園宴樂

魏收

東馬輕燕外獵雉陋秦中朝車轉夜轂仁旗指旦風式宴

臨平圃展衛寫屠穹積崖疑造化導水逼神功樹靜歸烟

合簾踈返照通一逢堯舜日未假北山叢

月下秋宴

前人

此夕其言宴月照露方塗使星疑向蜀劍氣不關吳良交
契金水上客慰萱堂蘇何必應劉輩還來遊鄴都

齊蕭道遜晚春宴

邢子才

日斜賓館晚風輕麥候初簷喧巢幕鷺池躍戲蓮魚石聲
隨流響桐影傍巖踈誰能千里外獨倚八行書

羣公高宴

楊訓

中郎敷奏罷司隸坐朝歸開筵引貴客饌玉對春暉塵起
金吾騎香逐令君衣綠酒犀爲梳鳴琴寶作徽寸陰良可
惜千金本易暉

後園宴

盧思道

嘗聞崑閬有神仙雲冠羽佩得長年秋夕風動三珠樹春
朝露濕九芝田不如鄴城佳麗所玉樓銀閣與天連太液
回波千丈映上林花樹百枝燃流風續洛渚行雲在南楚
可憐白水神可念青樓女便妍不羞澁遙艷工言語池苑
正芳菲得戲不知歸媚眼臨歌扇嬌香出舞衣纖腰如欲
斷側髻似能飛南樓日已暮長簷鳥應度竹殿遙聞鳳管
聲虹橋別有羊車路攜手傍花叢徐步入房櫳欲眠衣先
解半醉臉逾紅日日相看轉難厭千嬌萬態不知窮欲知
妾心無劇已明月流光滿帳中

後渚置酒

陳叔達

大渚初驚夜中流沸鼓鞞寒沙滿曲浦夕霧上耶溪岸廣

鳧飛急心雲深鴈度低嚴關猶未遂

一作遠此夕待晨鷄

夏琬尋干政世置酒賦韻

陳子良

聊從嘉遁所酌醴共抽簪以茲山水地留連風月心長榆
落照盡高柳暮蟬吟一及桃源路別後難追尋

冬日宴于庶子宅各賦一字得趣 令狐德彝

高門聊命掌群英於此遇放曠山水情留連文酒趣夕煙
起林蘭霜枝殞庭樹落景雖已傾歸軒幸能駐

賦得盃

于志寧

陋巷朱軒擁衡門緹騎來俱裁七步詠同傾一雅盃色動
吟春柳花發犯寒梅賓筵半未醉驪歌不用催

賦得鮮

劉孝孫

解襟遊勝地披雲促宴筵清文振筆妙高論寫言泉凍柳
含風落寒梅照日鮮驪歌雖欲奏歸駕且留連

賦得歸

許敬宗

倦遊嗟落拓集作知短翮暮追飛周醪忽同醉牙絃乃共揮
油雲澹寒色落景靄霜霏累日方投分茲夕諒無歸

賦得平

岑文本

金蘭篤惠好罇酒暢生平既欣投轄賞暫緩望鄉情愛景
含霜晦落照帶風輕於茲歡宴洽寵辱詎相驚

賦得節

杜正倫

李門余妄進徐榻君恒設清論暢玄言雅琴飛白雪寒雲
暖落景朔風凄暮節方欣投轄情且駐當歸別

賦得色

封行高

夫君敬愛重歡言情不極雅引發清音麗藻窮調飾水結
曲池冰日暖平亭色引滿既盃傾終之以弁側

上巳浮江宴韻得遙

王勃

披觀玉京路駐賞金臺陟逸興懷九仙良辰傾四美松吟
白雲際柱馥清緒裏別有江海心日暮情何已

此篇題得遙字而詩

押美字按歲時雜詠及本集自有遙字韻詩今錄于後

上巳年光促中川興緒遙綠齊山葉滿紅洩片花銷泉聲
喧後澗虹影照前橋遞悲春望遠江路積波潮

聖泉宴韻得泉

前人

披襟乘石磴列席俯春台永蘭氣蒸黑山酌松聲韻野絃影飄

雲葉外香度落花前興洽林塘晚重岩起夕煙

春日宴樂遊園賦韻得接

前人

帝里寒光盡神臯春望淡梅郊落晚英柳甸驚初葉流水
抽竒弄崩雲灑方牒清罇湛不空暫喜平生接

三月曲水宴得舒

疑詩中却押園字

盧照隣

風煙彭澤里山水仲春園由來弃銅墨本自重琴樽高情
邈不嗣雅道今復存有美光時彥養得坐山樊門開芳杜
徑室拒桃花源公子黃金勒仙人紫氣軒長懷去城市高
詠狎蘭蓀連沙飛白鷺孤嶼嘯玄猿日影巖前落雲花江
上翻興闌車馬散林塘夕鳥喧

和前得煙

王勃

彭澤官初去河陽賦始傳田園歸舊國詩酒間長筵列室
窺丹洞分樓瞰紫煙繁回旦津渡出沒控郊鄠鳳琴調上
客龍轡儼群仙松石偏宜古藤羅不記年重簷交密樹復
磴擁危泉抗石輪南嶺乘沙湫北川傳巖來築處礚礚入
釣前日斜真興遠幽楚思涼蟬

宴梓州南亭得池

盧照隣

貳條開勝迹大隱叶冲規齋閣分危岫樓臺繞曲池長薄
秋煙起飛梁古蔓垂水鳥翻荷葉山蟲交桂枝遊人惜將
晚公子愛忘疲願得回三舍琴樽長若斯

初秋登王司馬樓宴賦得同

駱賓王

展驥端歸暇登龍喜集作嘉宴同締賞二清滿承恩六義通

黠晦寒雲集作陰積潭虛秋集作夕照光顧慙非夢鳥濫此

雕蟲

春夜常明府宅宴得春

前人

酌桂陶芳夜披薛笑幽人雅琴馴野集作魯雉清歌落梁集作

范塵宿雲低迴盖殘月下集作上虛輪幸此蒙集作承恩洽聊

當故鄉春

冬日宴

前人

二三物外友一百杖頭錢賞洽袁公地情披樂令天促席
鸞觴蒲當爐獸炭燃何須攀桂樹逢此自留連

初秋宴得風

一作于寶
六宅宴

前人

千里風雲契一朝心賞同意盡通家合集作深
交洽神靈俗累

空草砌一作帶銷寒翠花缸集作技發夜紅唯將淡若水

長揖古人風

夜飲東亭

宋之問

春水集作泉鳴大壑皓月吐層岑岑壑景色佳慰我遠遊心

聞芳足幽氣驚棲集作前多衆音高興南山吟長謠橫素琴

春日宴字主簿山亭得寒字 前人

公子正邀歡林亭春漸闌攀巖踐苔易迷路出花難窻覆
垂陽暖階侵瀑水寒帝城歸路直流與接鴛鴦

春日鄭協律山亭陪宴餞鄭卿同用樓字 前人

潘園枕郊郭愛客過相求罇酒東城外駢驂南陌頭池平
分洛水林缺見蒿丘暗竹侵山逕垂楊拂妓樓彩雲歌處

漸遲日舞前留此地何年別蘭芳空自幽

同劉給事城南宴集

前人一作張說

水竹幽閑地簪纓近侍臣雍容乘暇日蕭洒出囂塵樹長

栖集作足思朋鳥池深入養鱗管絃高逐吹歌舞妙含春老子

叨專席勸遊隔縉紳此中情不淺遙寄賞人心

岳州宴別潭州王熊 前人

縉雲連省閣溝水遽西東然諾心猶在容華歲不同孤城

臨楚塞遠樹入秦宮誰念三千里江潭一老翁

幽州夜飲 前人

涼風吹夜雨蕭瑟動寒林正有高堂宴能忘遲暮心軍中

多集作宜劔舞塞上重笳音不作邊城將誰知恩遇深

鳳閣尋勝地

前人

西掖持醇酒東山就白雲開軒綠池映命席紫蘭芬舞度
花為伴鶯來管作群太平多樂事春物共氛氲

定崑池奉和蕭令潭字韻

前人

暮春三月日重三春水桃花蒲楔潭廣樂逶迤天上下仙
舟遙衍鏡中酣

藥園宴武輅沙將軍得洛字

前人

東地垂餘興南園宴清洛文學引王枚歌鍾陳衛霍風高
大夫樹露下將軍藥待聞出塞還丹青上麟閣

奉蕭中令酒并詩

前人

樂奏天恩蒲盃來秋興高更苦家蕭相國對席飲醇醪

廣州蕭都督入朝過岳州宴餞得冬字

前人

孤城抱大江節使往朝宗果是臺中舊依然水上逢京華
遙比目疲老颯如冬竊羨能言鳥銜恩向九重

夕宴房主簿舍

前人

歲晏關雍空風急河渭冰薄遊羈物役微向怯集作慙遠憑

旅館月宿未閑荷雲思興伊人美思集作脩夜朋酒惠來稱

交談既清雅琴吟亦凄凝不逢君騫潤集作憂思長鬱蒸

岳州宴姚紹之

前人

杞梓滯江濱光華白日新難兄金作友媚子玉為人山水

含秋興池亭借善隣簷松風送靜院竹鳥來馴翠竿催集作

吹黃菊瑊盤繪紫鱗緩歌將醉舞宜集作拂繡衣塵

脩書學士奉勅宴梁王宅得樹字 前人

虎殿成鴻業猿巖題鳳賦既荷大君恩還家小山遇秋吹
凝絃管涼雲生竹樹共惜朱邱歡無辭落城暮

秋杜日崇讓園宴得新字

蘇頌 見雜 詠

鳴爵三農稔勾龍百代神運昌叨輔弼時報喜黎人樹缺
池光近雲開日影新生全應有地長願樂交親

寒食宴于中舍別駕兄弟宅

前人

子推山上歌龍罷定國門前納駟來始覩元鷗鏘玉至旋
聞季子佩弓回晴花處處因風起御柳條條向日開自有
長筵歡不極還將一作 持彩服詠南陔

天津橋東旬宴得歌字

張九齡

清洛象天河東流形勢多朝來逢宴喜春盡却妍和泉鮪
歡時躍林鶯醉後歌賜恩頻若此為樂今奈集作奈 何 人何

雲陽驛陪崔使君邵道士夜宴 張子容

一尉東南遠誰知此夜歡諸侯傾皂盃仙客整黃冠染翰
燈花滿飛觴雲氣寒欣承國士遇更借美人看

濟州過趙叟家宴

王維

雖與人境接閉門成隱居道言莊叟事儒行魯人餘深巷
斜暉靜閉門高柳疎荷鋤脩藥圃散帙曝農書上客搗芳
翰中厨饋野蔬夫君第高飲景宴出林閭

與盧象集朱家

前人

主人能愛客終日有逢迎貫得新豐酒復聞秦女箏柳條

疎客舍槐葉下秋城語笑且為樂吾將達此生

宴越府陳法曹西亭

孫逖見集本

公府西巖下紅亭間白雲雪梅初度臘煙竹稍迎曛水木
涵澄影簾籠引霽氛江南歸思逼春鴈不堪聞

和常和尚兄春日南亭宴兄弟京在前人

臺閣升高位園林隔舊鄉忽聞歌棣萼還比報瓊芳門向

宜春近郊連御宿長德星常有會相望在文昌

洛陽客舍逢祖詠留宴蔡希寂

綿綿鍾漏洛陽城客舍貧居絕送迎逢君貴酒因成醉醉

後焉知世上情

與王昌齡宴王十一孟浩然

歸來卧青山嘗覓在一作嘗清都漆園有傲吏惠縣一作

在招呼書愧神仙錄畫屏山海圖酌霞復對此宛似入蓬

壺

奉先張明府休沐還鄉海亭宴集探得堦字

自君理畿甸余亦經江淮萬里音書斷數年雲雨乖歸來

休澣日始得賞心諧朱綬集作恩雖重滄州趣每懷樹低

新舞閣山對舊書齋何以發秋興陰蠱鳴夜堦

夏日與崔二十一同集衛明府席一作夏日宴衛明府宅遇北使

前人

言避一時暑池亭五月開喜逢金馬客同飲玉人盃舞鶴

乘軒至遊魚擁劍來坐中殊未起簫管莫相催

文苑英華 卷一百一十四

文苑英華 卷一百一十四

盧明府早秋宴張郎中海園即事得秋字 前人

邑有絃歌宰翔鸞已狎一作野狎鷗眷言華省舊暫拂海

池遊鬱島藏深竹前溪對舞樓更聞書即事雲物是清集作

新又秋作高秋

宴包二融宅

前人

閑居枕清洛左右接人野門庭無雜賓車轍多長者是時

方盛夏風物自瀟洒五月休沐歸相携竹林下開襟成歡

趣對酌一作不能罷煙暝棲鳥迷余將歸白杜

宴張記室宅

前人

甲第金張館門庭軒一作車騎過家封漢陽郡文會楚材多

曲島浮觴酌前山入詠歌妓堂花映發書閣一作閣柳逶迤

玉指調箏柱金泥飾舞羅寧知書劍者歲月獨蹉跎

清明日宴梅道士房

此詩見二百二十六卷

前人

寒夜張明府宅宴

前人

瑞雪初盈尺閑宵始半更列筵邀酒伴刻燭限詩成香炭

金爐煖嬌絃玉指清醉來方欲卧不覺曉鷄鳴

襄陽公宅飲

前人

窈窕夕陽佳丰茸春色好欲覓淹留處無過狹斜道綺席

卷龍鬚香床集作杯浮瑪瑙北林積脩樹南池生別島手撥

金翠花心迷王紅草談笑集作天光六義發論明三倒座非

陳子驚門還魏公掃榮辱集作華應無間歡娛當共保

臨渙裴贇集作明府席遇張十六集作房六 前人

河縣柳林邊河橋晚泊舡文叨才子會官喜故人連笑語
同今夕輕肥異往年晨風理征棹吳楚各悠然

集作理歸棹

夜宴左氏莊

杜甫

風林纖月落衣露靜琴張暗水流花逕春星帶草堂檢書
燒燭短看劔引盃長詩罷聞吳詠扁舟意不忘

上巳日徐司錄林園宴集

前人

鬢毛垂領白花蘂亞枝紅歌倒衰年廢招尋令節同薄衣
臨積水吹面受和風有喜留攀桂無勞問轉蓬

崔駙馬山亭醺集

前人

蕭史幽棲地林間躡鳳毛汎流何處入亂石閉門高客醉
揮金椀詩成得綉袍清秋多醺會終日困香醪

陪李北海宴歷下亭

前人

東藩駐皂蓋北渚凌清河海右此亭古濟南名士多雲山
已發興玉佩仍當歌脩竹不受暑交流空湧波蘊真愜所
遇落日將如何貴賤俱物役從公難重過

海右川本
作海內

相江宴餞裴二端公赴道州

前人

白日照丹旆朱旗散廣川羣公餞南北肅肅秩初筵鄙人
奉末眷佩服自早年義均骨肉地懷抱聲所宣盛名富事
業無取媿高賢不以喪亂嬰保愛金石堅計拙百僚下氣
蘇君子前會合苦不久哀樂本相纏交遊颯向盡宿昔浩
茫然促觴激萬慮掩抑淚潺湲熱雲初集黑缺月未上天
白團爲我破華燭璠璠長煙鴟鵂催明星解袂從此旋上請

滅兵甲下請安井田永念病渴老附書遠山巔初集黑川本作初集

燠

宴王使君宅題二首 前人

漢主追韓信蒼生起謝安吾徒自飄泊世事各艱難逆旅招要近他鄉思緒寬不才其枵腹高卧豈泥蟠

思緒集作意緒 二

汎愛容霜鬢一作晉歡上夜關世傳杜子美不避家

沙傳孫觀杜詩押韻作卜夜開北斗開今英華元本亦作卜夜開其實皆非也或改作夜闌又不在韻按下園集杜詩及別本自是晉權上夜開蓋有投轄之意上字訛為卜開字訛為開耳北斗開者漢書有朱旗降天今子美諸將七言詩既云會開朱旗北斗開則是因朱旗絳天閃見斗亦赤本是殷字於頰切紅色也後本殷周之殷於今切盛貌脩書時宣宗諱殷正紫音雖不同字則一體或改作開今既然不諱則是殷字又何疑焉或

苑不載此斗殷之詩偶論疑兩開字故併及之 自吟詩送老相勸酒開頰戎馬

今何地鄉園獨舊集作 山江湖墜清月酪酊任扶還

陪章侍御宴南樓得風字 前人

絕域長夏晚茲樓清宴同朝廷燒棧北鼓角漏天東屢食將軍地仍騎御史驄本無丹竈術那免白頭翁寇盜狂歌外形骸痛飲中野雲低度水簷雨細隨風出號軍集作城

黑題詩蠟燭集作炬 紅此身醒復醉不擬哭途窮

曲江陪鄭八丈南史飲 前人

雀豕江頭楊柳花鷓鴣鷓滿晴沙自知白髮非春事且盡芳罇戀物華近侍即今難浪跡此身那得更無家丈人才力猶強徙豈傍青門學種瓜

詩經

